

**DE AREOPAGITICIS
HILDUINI
IUDICIUM.
AUCTORE IOANNE
DELAUNOY...**


Jean : de Launoy






M







DE
AREOPAGITICIS
HILDVINI IVDICIUM.

*Auctore IO ANNE DELAVNOY
Constantiensi Theologo Parisiensi.*



LVTETIÆ PARISIORVM.

M. DC. XLI.

S. Paulus 1. ad Thessalonicenses 5.

Omnia probate, quod bonum est, tenete.

B. Augustinus de vera Religione, cap. 45.

*Non sit nobis religio in phantasmatibus nostris,
melius est enim qualecumque verum, quam
omne quicquid pro arbitrio fingi potest. Et post
alia.*

*Melior est vera stipula, quam lux inani cogi-
tatione pro suspicantis voluntate formata.*



DE AREOPAGITICIS

Hilduini iudicium.



VM primis iam tum ferè Ecclesiæ temporibus sua quidam I. somnia, & incertas Sanctorum memorias pro veris venditarint, nemo prudens ignorat, quantus in disquirendo labor, quantum in discernendo iudicium, quanta demum in asserendo debeat esse fides illius, qui in recensendis, aut vindicandis Sanctorum agonibus occupatur. Etenim si labor in disquirendo desit, aliorum lucubrationes quibusdam immutatis vocibus, sed inerudito plagio transcribentur; si iudicium in discernendo, hinc alia inter se pugnancia, inde multa inconsideratè ab aliis dicta rursus dicentur; si fides in asserendo, pleraque falsa pro veris asserta ingenti partium studio nouæ memoriæ prodentur. Quod scribendi temerarium genus olim damnarunt Africani Patres can. 84. codicis sui.

Omniò nulla memoria martyrum probabiliter acceptetur, nisi ubi corpus, aut aliquæ reliquie sunt, aut origo alicuius habitationis

vel possessionis, vel passionis fidelissima origine
 traditur. Nam quæ per somnia, & per inanes
 quasdam reuelationes quorumlibet hominum ubi-
 cumque constituuntur, omni modo reprobentur.
 Fecit quoque Gallicanæ quondam Ecclesiæ
 temporum necessitas, vt Præsules nostri
 hunc Africanum Canonem renouarint,
 suumque habuerint apud Carolum Ma-
 gnum libro 1. Capitul. cap. 42. In Africano
 Concilio vt falsa nomina martyrum, & in-
 certæ Sanctorum memoria non venerentur.

2. Hanc igitur ἐθελοθρησκείαν Ecclesia, quæ
 ad sui commendationem hominum men-
 dacio non eget, semper, vt apparet, detesta-
 ta est, hodièque detestatur, dum quæ diuer-
 sarum Ecclesiarum Officia, vt vocant, quo-
 rûdam imperitia vel imprudens pietas de-
 prauauerat, corriguntur, & ab incertis narra-
 tionibus identidem expurgantur. Quare
 vehementer errant, qui similium narratio-
 num & historiarum vadem aliquando fa-
 ciunt Ecclesiam, contra ipsiusmet Ecclesiæ
 voluntatē, & qui pro Traditionibus obtru-
 dunt, quæ veris aliquando carent Tradi-
 tionum notis. Quo genere imprudentiæ,
 siquid intelligas, nihil esse potest in Ecclesia
 Dei periculosius. Sed ô procul id genus
 homines φίλαυτοι, φιλόκενοι, & φιλόμυθοι

qui malunt virginitatem ac pudicitiam Ecclesiæ, quàm opinionationes suas & commenta sollicitari. Porro verò hac eiusmodi præfationis cautione munienda nobis necessariò via fuit ad iudicium, quod de Hilduini Arcopagiticis ferimus.

Quæ ergò in Arcopagiticis Hilduini 3. tractantur, ad duo rerum capita reuocamus; vnum id est, quod ab aliis antiquioribus assertum auctoribus commemorat; alterum, quod ipse suo pte ingenii acumine differit. Cum autem & ab Hilduino iam tum primùm certò affirmatum constet, eundem esse Dionysium Parisiensem cum Arcopagita, & ab aliis antiquam retinentibus traditionem contrà tunc negatum, faciunt ista sanè partium studia, vt quæ ea super re scripsit Hilduinus, non æquè recipiantur in auctoritatè, atque recipeantur, si ante exortam controuersiam scripsisset. Quoties Latini cū Græcis quingentis abhinc annis decertarunt, non alios auctores in controuersæ quæstionis decisionem adduxerunt, nisi qui ante exortum schisma scripsêre. Verum vt nihil indelibatam quicquam, ac non discussum relinquatur, & quæ ab aliis dicta recenset, & quæ proprio Marte disputat, expendemus.

4. Ad primum autem caput quod attinet, duo quoque sunt genera rerum, quas ab aliis memorie proditas tradit Hilduinus, earum alterum reperitur, alterum qualibet disquisitione facta non reperitur. In eo quod reperitur & legi potest, cum reperiatur falsitas; in ceteris, quæ non reperiuntur, fidem opinor nullam meretur Hilduinus, cum mendaci nec vera etiam dicenti credatur. Triplex falsæ allegationis specimen damus, ex quo quid de Arcopagitici hominis sinceritate iudices in posterum, ostenditur.

5. Primum quidem ex Arcopagiticis num. 3. *Genere quidem nobilissimum & magister Philosophiæ insignem apud Athenas claruisse. & aliarum Historiarum, & Aetuum Apostolorum testimonio sæcula prisca, seu instantia cognoverunt.*

Secundū ex iisdem num. 11. *De qua ordinatione Apostolus (totius Galliæ) nisi ad alia se intentio nostra dirigeret, & ex Apostolorum Actibus, & ex ipsius Domini actione autoritatis exemplum sufficienter in his scriptis possumus inferre. Age verò illa videamus quæ in Actibus Apostolicis recensentur cap. 17. Quidam verò, inquit Lucas, Viri ei (Paulo) adherentes crediderunt, in quibus & Dionysias Arcopagita, & mulier nomine Damaris, & alii*

cum eis. In hoc Aſtorum loco, & in Euan-
geliis, quibus aſtiones Chriſti continentur,
Dionyſium Arcopagitam fuiſſe & genere
nobilem, & magiſterio Philoſophiæ apud
Athenas clariſſe, & Apoſtolatum totius
Galliæ obtinuiſſe, quis legit, aut leget vn-
quam, niſi forſan aliquando ex Hildui-
niana prodeant officina?

Tertium verò ex ſubieſta Arcopagiticis
Epistoſta ad cunſtos Catholiciæ Eccleſiæ
fideles: *Abieſta*, inquit, omni ambiguitate
quod iſte ipſe Dionyſius, cuius hîc geſta ſcri-
buntur, non ſit Arcopagites & Athenarum
Epiſcopus, quid quiſque dixerit, veluti de an-
timatione Gregorii Turonenſis Epiſcopi, &
ſubreptione Bedæ ſanſcti Preſbyteri, atque alio-
rum quoruncumque ſine auctoſitate iactatur,
qui curioſius hoc ſcire voluerit, vt de multis
quædam deſignemus ex nomine, Eufebii Ceſa-
rieniſis Hiſtoriam perquirat & relegat. Mo-
rem geramus Hilduino: Eufebius de Dio-
nyſio Arcopagita loquitur duobus tantum
hiſtoriæ locis, quæ vt cum dictis Hilduini
conferantur, recenſemus, primum quidem
lib 3. cap. 4. Adde his Arcopagitam illum
Dionyſium nomine, quæ in Actis Apoſtolorum
poſt Pauli concionem in Arcopago apud Athe-
nienses habitam, ad fidem conuerſum fuiſſe

Lucas in actis Apostolorum scribit, quemque primum Ecclesie Atheniensis Episcopum designatum alius quidam Dionysius Ecclesie Corinthiorum pastor narrat. Alterum lib. 4. cap. 22. ubi quid in Epistolis Dionysii Corinthiorum Episcopi continetur, explicat Eusebius: In eadem, inquit, designat Epistola (ad Athenienses), quod Dionysius Arcopagites, qui ab Apostolo Paulo instructus credidit Christo secundum ea, quæ in Actibus Apostolorum designantur, primus apud Athenas ab eodem Apostolo Episcopus fuerit ordinatus. Lege ergo & relege Eusebii historiam & Dionysium Parisiensem eundem esse cum Arcopagita ex Eusebio, mendaciter dictum ab Hilduino videbis. Hæc sufficiant ad specimen auctorum, qui ab Hilduino citati reperiuntur.

7. *Quæ verò non reperiuntur, ea certè sunt, quæ ex Visbio, Aristarcho, & Missalibus libris continentibus Missæ ordinem more Gallico, qui ab initio receptæ fidei usu in hac Occidentali plaga est habitus usquequo tenorem, quo nunc utitur, Romanum suscepit. Sed in istis quæ Hilduino fides? unde miramur in primis, quæ factum, ut quæ sibi ex Gregorio Tironensi & Beda Hilduinus obiicit, reperiantur, quæ verò aliis ex Visbio, Aristarcho,*

& Missalibus libris opponit, non reperian-
 tur : sed magis miramur, quod *Missales*
illos libros non viderint Beda & Gregorius,
 qui, ni fallimur, non Arabico vel Persico,
 sed Gallico more Missarum solemnia ce-
 lebrauit, aut quod si viderint, ex iis hic
 sancti Saturnini historiam, ille suos com-
 mentarios non emendarit. Solus igitur
 Hilduinus & Visbium, & Aristarchum, &
 Missales libros vidit, qui docent primum
 Parisiorum Episcopum fuisse Dionysium
 Areopagitam, cum nec qui Hilduinum
 præcesserint, nec qui secuti fuerint, hos
 vnquam legerint auctores præterquam
 apud eundem Hilduinum, & recentiorem
 auctorem, qui per singulos veteres Aristar-
 chos cum actuosissimus iret, acutissimè
 eadem suo iudicio conclusit, cum Hilduini
 Aristarchum esse potuisse Thessalonicen-
 sem Pauli comitem, nisi sub Nerone passus
 esset, sed esse Aristarchum Apameæ Epis-
 copum, quia nihil repugnat. Bellè omninò.
 Quod autem spectat ad secundum caput, 8.
 ad ea nempe, quæ proprio Marte disputat
 hic vindex Areopagiticus, liquet illum
 argumento vindiciarum suarum persua-
 sum fuisse, aut illo saltem alios persuasos
 voluisse. Quod vltro concedimus. Enim-

uerò cum in istis Arcopagiticis pleraque parum consideratè dicta Hilduini causam ingulcent, illorum quoque specimina quædam dabimus, ex quibus quid persuaderi possit, iudicium erit.

9. Primum ex Epistola ad Ludouicum Imperatorem, vbi suam de Arcopagita sententiam in *Tomis vel Chartis vetustissimis armarij Parisiaca Ecclesia*, & in Epistola ad fideles, vbi eandem in *monimentis Archiui Ecclesiæ sancti Dionysij* contineri proficitur. At hîc imponit Hilduinus & Monasterio suo, & Parisiensi Ecclesiæ; Monasterio quidem suo, cum quo reuera Martyrologio quondam utebatur, duos agnoscebat Dionysios, quorum alterum cum sancti Pii comitem faciat, ille non potuit esse Arcopagita. Verba Martyrologij sunt ista in Sanctilogio Guidonis Abbatis sancti Dionysij lib. 10. Prima die Octobris. *Ciuitate Tornaco sancti Pii vel Piatonis Presbyteri*, qui cum B. Dionysio Episcopo, eiusque Sociis ab Vrbe Roma Galliam prædicationis causa expetiit, ac postea consummato martyrio migravit ad Dominum. Tertia die Octobris. *Natalis B. Dionysij Episcopi & martyris*, qui post clarissimam confessionem fidei, post gravissima tormenta
- rum

rum genera glorioso martyrio coronatus est, ut
 testatur Aristides vir fide sapientiaque mi-
 rabilis in eo opere, quod de Christiana religio-
 ne composuit. 7. Idus Octobris. Apud Pari-
 sium natalis Sanctorum Martyrum Dionysii,
 &c. Qui B. Episcopus à Pontifice Romano in
 Galliam prædicandi gratia directus præfa-
 tum urbem deuenit, ubi per aliquot annos com-
 missum sibi opus ardentè persequens tandem
 à Præfeto Fescennino una cum sociis gladio
 animaduersus martyrium compleuit. Porro
 autem habes in Bibliotheca sancti Victo-
 ris istud martyrologium, seu Sanctilogium
 Commentariis Guidonis non tam illustra-
 tum aliquando, quàm obscuratum. Atque
 ut de ceteris taceam, hîc ubi Martyrologii
 vetustas debuit obruere nouitatem Com-
 mentatoris, nouitas Commentatoris co-
 nata est obruere Martyrologii vetusta-
 tem.

Imponit verò Parisiensi Ecclesiæ, cum
 quibus omni retrò ætate Martyrologiis
 vsa est, & aliæ ex eadem tamquam ex ma-
 tre prognatæ Parisienses Ecclesiæ, sancti
 Victoris, & sancti Sepulchri duos cum
 eodem Monasterio, & iisdem penitus ver-
 bis Dionysios colant. Duo vidimus anti-
 qua Ecclesiæ Parisiensis Martyrologia,

quorum recentius anno 1448. exaratum est, eoque etiamnum eadem vtitur Ecclesia, vnum præterea sancti Victoris, & alterum sancti Sepulchri. In quibus omnibus Piatu seu Piato sancti Dionysii Episcopi comes asseritur prima die Octobris. At verò quo tempore sanctus Piato passus sit, docet Fulbertus Carnotensis in Hymno de eodem: *Tornacum versus Piatu se direxit inclytus, cum Parisius ireret B. Dionysius*. Infra. *Cæsar Maximianus, Ut Piati hausit famam virulentis auribus, comprehendi iussit eum ad necandum protinus*. Vnde in Manualium Carnotensium Calendariis duo diuersi Dionysii, vnus 5. Non Octob. Dionysii Episcopi & Mart. 3. Lect. alter 7. Idus. Dionysii, Rustici, & Eleutherii Mart. Duplex, constantissimè perseverarunt ad annum vsque 1627. quo primus Christi miles expunctus est. Hanc quoque testatur epocham manuscriptum, quod extat in nostræ Nauarræ Basilica, Lectiōnarium Paris ad 17. Sept. de S. Audomaro lect. 6. ex eiusdem vita. *Predictus igitur Tervanensis populus, licet ante aduentum B. Audomari à Sociis Dionysii & Martyribus Fusciano, & Victorico verbum audiisset Diuinum eodem tempore, quo sanctus*

*Quintinus in Ambianensi prædicabat vrbe. Ad
 decimum verò Decembris, Parisiense Bre-
 uiarium anno 1545. editum omnia cōcludit.
 Tēpore quo Maximianus Galliæ præsidebat, &c.
 SS. Viri Fuscianus & Victoricus cū duodenario
 numero sociorū pari ordine glomerati, vna cum
 venerabili Quintino, ac comitibus ceteris Pia-
 tone Rufino, Valerio, Eugenio, Crispino, Cris-
 piniano, Luciano, Marcello & Regulo &c. Et
 quanquam Fusciani & Victorici historia hīc
 aliquid passa est mutationis quoad Diony-
 sium, qui tempore Hilduini in eadem nu-
 meraretur, non Eugenius; quæ nunc tamen
 quæritur epocha, Arcopagiticorū vngues
 hætenus euasit in Paris. Ecclesia. Hæc
 autem cum ita sint, aut Hilduinus imponit
 & Monasterio suo, & Parisiensi Ecclesiæ,
 aut Monasterium & Ecclesia Paris. à tradi-
 tione Hilduini defecerunt, aut quid tanto
 tempore, tamque publica recitatione quo-
 tannis agerent, ignorarunt, vel ignorare
 se dissimularunt. In vno perit fides Hildui-
 ni, si tamen, quod iam periit, iterum perire
 possit, in altero labor, cum explosa nouita-
 te, quam tantis viribus astruxerat, & Pari-
 sis Ecclesia & Monasterium S. Dionysii
 retinuerint antiquitatem, in tertio Mona-
 chis & Parisiensi Clero nullis delenda
 manibus labe affricatur.*

II. Secundum ex num. 5. ubi tradit antiquissimum extare libellum, quo proditur Dionysius à B. Clemente in Gallorū gentem directus. Sed quod falsum est, idque alij probarunt, verum modò concedamus. Sit igitur Dionysius à B. Clemente in Galliam missus, quid tum? Eritne continuò Arcopagita, quem B. Paulus primum Athenarum Episcopum constituit? Hic profectò nisi Hilduinum, & alios Hilduini fautores occupasset ista nobilis ἀστυνομία, dum disputant, & priscæ traditioni contradicunt, totos octingentos annos argumento vacui præterissent.

12. Tertium ex num. 6. Videtur porrò in his Missarum obsecrationibus non contemnenda auctoritas de memorata passione Sanctorum, cum extant apud nos Epistola Innocentii, & post eum Gelasii, nec non & modernius Beati Papæ Gregorii, aliorumque Pontificum ad Episcopos Urbium Galliarum, & Antistitum nostrorum ad ipsos, de more Romano in cunctis Ecclesiastica auctoritatis munis imitando, quibus datur intelligi, ab annis pluribus hunc Missæ tenorem de Gallica consuetudine recessisse, & hanc passionis Martyrum illorum memoriam longo superiori tempore his Occidentalibus partibus per supplicationum postulationes inoleuisse: quibus tantò certius fidem accomo-

*damus, quantò in tempore vicino post consum-
mationem eorum easdem fuisse compositas sine
dubitatione concedimus.*

Duo hîc asserit Hilduinus, vnde multi-
plicem falsitatem & inconsiderantiam
arguimus, vnum, quod Innocentius, Ge-
lasius, & Gregorius ad Galliarum Episco-
pos scripserint literas, quibus Ecclesiæ
Romanæ Vsum & Ordinem in Missarum
obsecrationibus recipi iuberent. At in ho-
rum trium Romanorum Pontificum Epi-
stolis ne vllum quidem huiuscè rei vesti-
gium apparet. Vnum aliquid vni affingere
Pontifici, ferendum esset in Hilduino, cu-
ius fidem iam confiximus, sed tribus Pon-
tificibus id quod falsum est, affingere, quis
patienter sustineret? Alterum, quod vbi
receptus est in Ecclesiasticis Galliæ ritibus
& officiis Ordo Romanus, statim antiquis-
simum apud Gallos Antistites Missarum
officium in desuetudinem abiit, atque illo
insueto nouoque ordine ex animis homi-
num excidit missi à Clemente Arcopagi-
tæ memoria, quæ in eiusmodi Missarum
officiis contineretur. Sic fumum orbi
vendit Hilduinus, & in retinenda Dionysii
Arcopagitæ Galliarum Apostoli memo-
ria supinæ omninò socordiæ Gallicanòs
præsules accusat.

15. Ceterum quod spectat ad ordinem Romanum, de quo loquitur Hilduinus, certissimè constat, Romana in Ecclesia Dionysium Parisiensem fuisse semper ab Arcopagita distinctum ad annum vsque 1550. quod breuiter ostendimus.

1. Ex Rom. Martyrologio, quod Ado Vienne-
nensis Hilduino coæuus venerabile & peran-
tiquū appellat, vbi sic legitur. 5. Non. Oct.
*Athenis Dionysii Arcopagite diuersis tormen-
tis passi &c. 7. Idus. Parisius Dionysii Episcopi
cum Sociis suis à Fescennino gladio animaduersi.*

2. Ex altero Martyrologio, quod se-
cundum morem Romane Ecclesie Vene-
tiis prodiit anno 1548. Calend. Octob.
*Tornaci sancti Piatonis Presbyteri & Mar-
tyris, qui cum B. Dionysio Episcopo suisque
sociis ab Vrbe Roma Galliam prædicationis
causa expetiit &c. 5. Non. Natale sancti Dio-
nysii Episcopi & Martyris, qui post clarissi-
mam Confessionem fidei, post grauissima
tormentorū genera glorioso martyrio corona-
tus est; ut testatur Aristides Atheniensis vir
sapientia mirabilis in eo opere, quod de Chri-
stiana religione composuit. 7. Idus Lutetie
Parisiorum natale Sanctorum Martyrum Dio-
nysii Episcopi, Rustici Presbyteri, & Eleutherii
Diaconi. Qui B. Episcopus à Pontifice Rom.*

in Galliam prædicandi gratia directus ad præfatam urbem deuenit, ubi per aliquot annos commissum sibi ardentè opus prosequens tamen à Præfècto Fescennino vna cum sociis gladio animaduersus martyrium cõpleuit.

3. Ex Missali Romano, quod anno 1550. Pauli III. autoritate impressum est Lugduni, in quo non ex Actuum Apostolorum cap. 17. sed ex cap. 10. Sapientix desumitur Lectio: *Reddet Deus mercedem laborum, & Euangelium ex cap. 11. Matth. Respondens Iesus dixit, confiteor.*

4. Ex Breuiario Romano, quod anno 1529. & 1543. parisiis editũ est. Vbi sic habetur nono Octob. Lectio. *Apud Parisium natale sanctorum Martyrum Dionysii Episcopi, Eleutherij Presbyteri, & Rustici Diaconi, qui B. Episcopus à Pontifice Romano in Galias directus, vt prædicationis opera populis à Christi fide alienis exhiberet, tandem in Parisiorum ciuitatem deuenit, & per aliquot annos sanctũ opus fideliter & ardentè executus à Præfècto Fescennio Sisinnio comprehensus, & cum illo sanctus Presbyter Eleutherius, & Rusticus Diaconus gladio animaduersi martyrium cõpleuerunt.*

Tria hic notamus vnum, nullum tertio 14. Octobris die de Dionysio Arcopagita

fieri mentionem, sicut in vnaquaque Ecclesia illiusque cursu non omnium Sanctorum distincta fit commemoratio. Alterum non Octobris simplicem tantum, vt aiunt, Dionysij Parisiensis memoriam haberi, cuius vnica Lectio ex Adonis Martyrologio ad verbum deprōpta est. Qua in re vt olim Ado cum Ecclesie Romanæ Martyrologio conueniebat, ita & post eadem Ecclesia cum eodem Adone in anniuersario Dionysij Parisiensis officio conuenire decreuit, illaq; conueniret adhuc, nisi ex vna parte Quinognius in correctione Rom. Breuiarij, abrogata maiorum traditione, aliam ex vanis Hilduini opinionibus Lectionem indidisset, & ex alia in editione Romani Martyrologii Dionysium Parisiensem & Arcopagitam, qui hactenus fuerant in eo distincti, Galestinus in vnum cōfudisset, & Calend. Octob. in S. Piatone idem, alius-ue in Quintinum mutasset Dionysium Episcopum, qui cum Platoni iungeretur antea, seipsum, vt cetera omittam, ab Arcopagita euidentissimè discernebat. Sed reuera nihil aliud ratio pietatis admittebat, quàm vt omnia, qua fide à patribus per certam traditionem suscepta essent, eadem fide filiis consignarentur.

Tertium

Tertium, nullum nos momentum ex hoc vel alio Breuiario duxisse vnquam, nisi cum antiquis Martyrologiis, & exploratis traditionibus cōcordasset, cum non ignoremus ex Breuiariis, quæ centum abhinc annis toties à tot diuersis, diuersarumque opinionum hominibus reconcinnata fuerunt, nullum efficax argumentū duci posse. Sed his Ecclesiasticis Officiis vbi coniunguntur vetera martyrologia, & suis explorata legibus traditio, tunc ex illis ineluctabilium rationum momenta ducuntur. Cum ergo queritur Hilduinus id ab Romanis Pontificibus factum, quo Dionysij Arcopagitæ vt Parisiensis Episcopi memoria pridem perierat in Gallia, si verum dicit, cur Quinognius & alij retentam ante & post Hilduinum Ecclesiæ Romanæ traditionem & vsum mutarunt? sin falsum; sibi suæque opinioni per summam imprudentiam officit. Nos ex primo magnam Hilduino gratiam habemus, quod tres Romanos Pontifices causæ nostræ patronos offerat, ex altero gratulamur, quod asserendæ veritatis ergo mentita sit iniquitas sibi.

Quartum ex num. 7. *Nec mirari quis poterit, cur hymnum sancti Eugenij Toletani de* 15.

B. Dionysio habeamus, & vicinorum sapientium scriptis exceptis paucis (visbio fortè) videamur carere, cum & hac, quæ habemus, vtexorata priorum nostrorum venia dicamus, abdita & negligenter relictæ reperimus. In his duo aduertenda sunt, primum est hymnus sancti Eugenii Toletani de B. Dionysio; alterum, quod ingenuè tandem fateatur, se post octingentos & amplius annos non habere, vnde nouam traditionem consequentibus sæculis transmittendam adornet, (Dionysium, scilicet Arcopagitam prænomine Ionicum, agnomine Macarium, relictæ Atheniensium Cathedra, in qua ab Apostolo Paulo constitutus fuerat, Petrum & eundem Paulum visendi causa venisse Romam, & à Clemente perhonorificam in Gallias, imo & in alias Occidentis partes legationem suscepisse, & Lutetia Parisiorum, quæ tum regia sedes, & Germanorum Gallorumque conuentu celebris erat, sedem fixisse) sed hoc vel vnicum si quis obseruet, Hilduinum violatæ traditionis reum ager, & omnem Arcopagiticis abiudicabit auctoritatem.

16. Quod autem pertinet ad Eugenii Toletani hymnum, nec hymni verba refert Hilduinus, nec qualis ille fuerit Eugenius,

Confessor-ne, an Martyr, Discipulus Areo-
 pagitæ, nec ne? aut quo tempore vixerit?
 non explicat, sed explicant Hilduini secta-
 tores. Quod non explicet, nondum illud
 esse fictum & excogitatum, signum est.
 Quod hymnum non proferat in lucem, oc-
 cultandæ securius fraudis causa fecit, ne
 videlicet partus suppositio deprehendere-
 tur. Quod Monachi sancti Dionysii po-
 stea ex armario suo protulerint, fecit in-
 erudita promouendæ opinionis Hilduini
 cupiditas, qua malè cōsutæ technæ accer-
 suntur, & quid B. Isidorus Hispalensis lib.
 1. de Offic. Ecclesiast. cap. 6. asserat, igno-
 rasse se perspicuè demonstrant: sunt autem,
 inquit, diuini hymni, sunt & ingenio hu-
 mano compositi: Hilarius autem Gallus Epis-
 copus Pictaviensis eloquentia conspicuus, hym-
 norum carmine floruit primus, post quem Am-
 brosius Mediolanensis Episcopus vir magnæ
 gloriæ in Christo, & clarissimus doctor in Ec-
 clesia, copiosus in huiusmodi carmine clariuisse
 cognoscitur, atque inde hymni ex eius nomine
Ambrosiani vocantur, quia eius tempore pri-
 mum in Ecclesia Mediolanensi celebrari cœpe-
 runt, cuius celebritatis deuotio posthac per to-
 tius Occidentis Ecclesias observatur.

Monachorum ergo sancti Dionysii post 17.


excessum Ludouici Pij de Eugenio somnium istud est, quod ex Codice M. S. beati Remigii Remensis aliàs excerptimus: Dionysius Arcopagita Roma discedit in Gallias, Romanum ciuem secum adducit Eugenium, antistitem à se creatum in Hispanias ablegat Toletum. Hic Eugenius fundat Ecclesiam, populos ad fidem Christi conuertit, Toletanam Ecclesiam dedicat in honorem B. Stephani Protomartyris, epicum poema 14. versibus constans scribit in gratiam eorum, quibus Christianum nomen arridebat, tum ubi Ecclesiam suam idoneo Clericorum numero instruxit, Lutetiam redit Magistrum visurus. Cū haud procul ab vrbe peruenit ad locū nomine Diogilum, ab incolis Dionysii mortem accipit, & euestigio conficit hymnum, quem modò produnt; hoc hilarè decantato, soluitur in lacrymas, hinc ex eo sese & alios flentes solatur, quòd Dionysius cælo receptus sit, Euangelii sementem huc atque illuc spargit: quo comperto ab auditoribus capitur, & à Fescennino interim iubetur, Hæc est summa vitæ, quam Eugenio appinxerunt.

20

Quibus autem partibus compactum sit Sandionysiacum hoc somnium, & quid in

eo veri fit, & quid falsi, operepretium est aperire. Sed ut inditum vero falsum agnoscatur commodius, quod verum est, antè narrari oportet.

Traditio igitur est omnibus retrò sæculis, in Occidente, in Gallia præsertim, & Parisiensibus Ecclesiis, Eugenium quemdam olim fuisse, qui non lōgè à Lutetia pro Christi nomine gloriosum Martyrium fecit. Testatur hoc in primis vetustius Vsuar-
do Martyrologium, quod in antiqua sancti Martini de Campis Bibliotheca vidimus, ad 17. Calend. Decembris: ipso die natalis sancti Eugenij, qui apud pagum Parisiensem consummato Martyrij cursu beata passionis coronam percepit à Domino: Testantur alia Martyrologia Vsuardi, Parisiensis Ecclesie, sancti Victoris, sancti Sepulchri, sancti Martini Turonensis, sancti Crispini Maioris, sancti Petri Sueffionensis, sancti Dionisii (quod adhuc mireris) in Francia apud Guidonem Abbatem in Sanctilologio: testatur Martyrologium Rotomagi editum anno 1507. & ad quatuor exemplaria Lugduni, Papiæ, & Parisius excusa recensitum ad usum Romanæ Ecclesie, & ceterarum Ecclesiarum, quæ per orbem dispersæ sunt. Testatur denique ad annum vsque 1548. Venerabilis impressum Martyrologium iuxta



morem Romana Ecclesiæ. Quibus in omnibus hæc verba disertè leguntur: ad 17. Calend. Decembris: ipso die sancti Eugenij, qui apud Parisiensem pagum consummato Martyrij agone beatæ passionis coronam percepit à Domino. His Martyrologiis accedunt Parisiensis Ecclesiæ Missalium, Antiphonaliũ, & Breuiariorum Calendaria, & habitæ in Officio ad diem 15. Nouembris orationes. Quibus etiam in omnibus cùm Manuscriptis, tum impressis anno 1528. 1545. & quibusdam aliis consequentibus non habetur, nisi pro Martyre, qui Episcopus non est. Atque id inter alia indicat hæc oratio cõmunis: Præsta. quæsumus omnipotens Deus, vt qui B. Eugenij Martyris sui natalit̃ colimus, &c. Itaque si dubium nullum est, quin hæc prima, eaque tam constans traditio veritate nitatur, quod huic dissonum adiectum est postea, falsum esse quis negaret?

21. Enimuero istud alterum nunc exponendum sic est, vt quemadmodum nouitia Monachorum sancti Dionysii opinio non repente, sed sensim in quorundam hominum mentes & libros irrepfit, ita & omnes sua istud cognitione assequantur.

Primus huic opinioni faciles aures accommodauit Gerardus Abbas Broniensis.

sub annum 920. cuius rei historiam ita scripsit Monachus quidam apud Surium 3. Octobris: Per visum à B. Petro monetur Gerardus, ut Monasterium extruat, illucque inferat reliquias Eugenii Martyris: Petro respondet Gerardus nihil prorsus esse, cur tanti Martyris corpore potiturum se speret; at verò istud posse fieri confirmat Petrus. Non multò post Berengarius Comes ad Robertum Galliarum Regem ablegat Gerardum; dat se viæ Gerardus, inter eundem ad Monasterium sancti Dionisii diuertit, Lucernario interest, atque ubi factam de Eugenio commemorationem audit, animo pendere cœpit, sit ne ille Eugenius, quem nuper habuerat in viso? Ceterum de Eugenio ex illustrioribus contatur Monachis? Respondent: Ignorasse, Pater Venerande, hunc Eugenium Toletanum fuisse Episcopum, auditorem quoque Patroni nostri eiusque collegam in spargendo apud infideles verbi celestis semine. Hoc audito, Martyris efflagitat reliquias, seque breui relaturum par pari spondet: nihil tamen consecutus, rem ad aliud tempus remittit. Cur verò nō consecutus, fuit cum primis, quod in Monasterio multa miracula patra-
ret. Gerardus ubi reuersus est, ut fieret mo-

nachus apud sanctum Dionysium à Berengario & Leodiensium præfule veniam petit & obtinet. Fit ergo monachus, & quæ sui iuris erant in Lotharingia, Monasterio concedit. Literas addiscit & Sacerdos ille creatur, quem antea Patrem venerandum appellarant. Hinc aliquanto post tempore, nactus opportunitatem Eugenii reliquias postulat, & suum Fratribus visum exponit, quo ut Monasterium in honorem Petri & Eugenii ædificaret, monitus olim fuerat, tum difficiles sese Monachi præbere, Gerardum ab hoc consilio deterrere, & multa causari, cur sacras Eugenii exuvias dare non possent, sed tandem, aliquando consentire Gerardi votis, *quem petis*, inquit, *beatissimum Eugenium sponte damus.* Hoc pignus cum accepit, Monasterio & vicinia clam se subducit, nequid ab indigenis molestiæ patiatur, in Broniensem Ecclesiam Martyris reliquias infert: cultum illius prohibens Leodiensis antistes diuinitus punitur: sed agnita dehinc culpa festum Martyris instituit, & amotis clericis Monachos in Broniensem Ecclesiam inducit, eosque ab omni obsonio, quod loci Episcopo soluebatur, immunes reddit, & synodico decreto hæc omnia confirmat.

Hæc

Hæcibi, quæ à quibusdam recentioribus
 Arcopagiticis æstimantur auro carius. Sed
 ut verum fatear, mihi non sunt tanti, quia
 hæ merces ex eorum, qui sub Hilduino
 tyrocinium posuere, officina prodeunt.
 Quantitamen sint pretii ad Arcopagitam
 Luteriæ, & Eugenium Toletum vindican-
 dum iudicent veteris monetæ spectato-
 res?

Secundus, cui sub annum 1148. suam hi-
 storiam Monachi nostri fecerunt plausibi-
 lem, fuit Remundus Toleti Episcopus, ut
 auctor est Lucius Marineus apud Mosan-
 drum ad 15. Nouembris. *Remundus olim,*
inquit, Toletana sedis antistes ad Concilium
apud Remos Galliæ populos celebrandum tem-
poribus Eugenij Summi Pontificis cum aliis
multis Episcopis in Galliam profectus est. Qui
cum in Vrbe Parisiorum ad Ecclesiam sancti
Dionysij orandi gratia diuertisset, in eadem Ec-
clesia quoddam sepulchrum inuenit, quod apud
eos magnæ venerationis habebatur, in quo ex
eius superscriptione beati Eugenij Toletani Ar-
chiepiscopi corpus humatum esse cognouit, de
quo diligentius inquirens quis fuerit, vel qua ra-
tione à propria sede quieuerit, tum ex relatu ho-
minum, tum ex eius vita, quam ibi descriptam
inuenit,prehendit, & post alia, quæ iam ex

eadem vita retulimus. Cuius corpus post mul-
 tum temporis diuina reuelatione repertum in Ec-
 clesia B. Dionysij magna fidelium lætitia &
 exultatione conditur. Erit fortè qui miretur,
 cur in hoc colloquio nulla de gestis beati
 Gerardi mentio inciderit; ego verò non
 miror, & in his mirari iam desij. Ad hoc
 autem tempus quo rem magnam confabu-
 lati sunt cum Remundo, vt ad certam no-
 uæ opinionis originem reuocandum est,
 quicquid Vassæus, Mariana, & alii rerum
 Hispanicarum scriptores de Eugenio Dio-
 nysii Arcopagitæ Discipulo, & primo
 Toleti præsule suis libris & Breuiariis cu-
 pidissimè intulerunt. Sed frustra, cum &
 istud ex origine sua spontè cadat, & vetus
 Toletanæ Ecclesiæ traditio reclamet; Quæ,
 vt auctores sunt ipsi tres Episcopi Toletani
 Ildefonsus, Iulianus, & Felix de viris illu-
 stribus, non vltra quàm duos Eugenios
 agnouit, qui Chindasuintho, & Recce-
 suintho regibus Toletanam Ecclesiam gu-
 bernarunt. Quasi verò Toletani per annos
 1148. in ea rerum suarum ignorance ver-
 sati semper fuissent, vt illius nomen ipsum,
 cui primo fidem deberent Christianam,
 hætenus nesciissent. Porro totius narra-
 tionis fabricam huic fundamento inniti ve-

simile est. Eugenio secundo, qui scribendorum carminum facultate excelluit, hymnum de beato Dionysio tribuit Hilduinus: non contenti hac subtilitate posteri, Eugenium illum Hispanum cum Gallicano Eugenio Martyre confuderunt, & Discipulum fecerunt Areopagitæ, à quo ab vrbe Arelatensi in Hispanias Toletum missus est, vnde Magistri visendi gratia reuersus in Galliam, non procul à Lutetia Martyrium fecit. Qui postea monachis sancti Dionysij fidem habuere, tres in Toletanam Ecclesiam Eugений inuexerunt.

Tertius Remundi credulitatem secutus is est, qui post annum 1548. Romanum Martyrologium tractauit, & ad 15. Nouembris Parisiensi Eugenio martyri, quem nunquam habuerat, Toletanæ Sedis Pontificatum liberaliter concessit, & Areopagitæ Discipulum vocauit. Quæ inducta in Martyrologium nouitas vt confirmetur, beati Gerardi gestis, & prospero apud Monasterium Sandionysiacum Remundi successu nihil adfertur antiquius.

Quartus denique horum omnium vestigia relegit, qui post annum 1595. Missale & Breuiarium Parisiense emendandum sibi sumpsit. In Missali communem de Marty-

re non Pontifice orationem, quæ antè relata est, sustulit, & in eius locum aliam Martyri & Pontifici aptatam suffecit. In Breuiario, vbi nulla vnquam fuerat peculiaris de nostro Martyre Lectio, vnâ ex historia Monachorum S. Dionysii constatam apposuit post annum 1595. vel sanè non multò antè. Neque tamen idèo vetus nostra traditio omni ex parte abrogata est, tum quia Martyrologium, quod singulis diebus legitur, nondum immutatum est, tum quia Calendarium Missalis & Breuiarii, quo nunc etiam Parisiensis vtitur Ecclesia, inducentis nouitatem. Correctoris manus effugit ad 17. Calendas Decembris, vbi sic habetur: *Commem. S. Eug. Mart. nec,* vt in commemoratione Episcoporum, Episcopus vel Pontifex pro more appellatur. Nihil hîc, nisi oculi desunt.

12 Qua verò ætate vixerit Eugenius Martyr, aut sub quo Imperatore passus sit, non faciliè pronunciarim, cum vetera Martyrologia, veteresque historiæ sileant, nec ipsimet inter se consentiant Arcopagitici; Atq; inter hos sunt, qui vt vidimus, ad tempora Clementis Papæ reuocant, sunt & alii, qui cum inter polarunt antiquissimam Martyrum Fusciani & Victorici historiam; re-

trahunt ad Maximiani Imperium. Sic igitur hæc historia ante Hilduinum legebatur; Quo tempore Maximianus Gallie præsidebat, sancti viri Fuscianus & Victoricus cum duodenario numero sociorum per ordinem glomerati vna cū venerabili Dionysio Præsule comitibus ceteris Piatone, Rufino, Crispino, Crispiniano, Valerio, Luciano, Marcello, Quintino, & Regulo, &c. Sic vero interpolata legitur in Passionario sancti Victoris, & in Breuiario Parisiensi, quod anno 1545. editum est. Sancti viri Fuscianus viri & Victoricus cum duodenario numero sociorum pari ordine glomerati vna cum venerabili Quintino, ac comitibus ceteris Piatone, Rufino, Valerio, Eugenio, Crispino, Crispiniano, Luciano, Marcello & Regulo, &c. Est & aliustandem, qui in Gallicano Martyrologio 25 & 31. Octobris die passum sub Maximiano Eugenium nostrum, & 15. Nouembris Dionysii Arcopagite sociū scribit. Non mihi, sed auctori fidē habetote. Ad 25. Octob. sic tradit: Crispinus & Crispinianus cum beatis Quintino, Luciano, Rufino, Valerio, Eugenio Sueffionem venerunt, cum Diocletianus & Maximianus Christi Ecclesiam oppugnarent. 31. Octobris. Quintinus cum Crispino, Crispiniano Victorico, Fusciano, Piatone, Eugenio, Rufino, Vale-

rio, Marcello, aliisque in Galliam Belgicam missus est. Infra. Rictiouarus à Maximiano principe missus Quintinum vexat crudeliter. 15. verò Nouebris. In territorio Parisensi natalis sancti Eugenij, Apostolici Dionisij Symmista, & cetera, quæ ita descriptum ex historia Monachorum sancti Dionysii. In harum trium opinionum prima Arcopagitici causa cadunt, nec simul habent omnes, quid de Eugenii tempore affirmant. In secunda fidem cum causa funditus amittunt. In tertia, nisi ex vno duo efficiantur Eugenii, canonis tribuatur auctori fides & gloria, quæ pugnancia inter se loquentibus tribui debet.

23. Ceterum si res Eugenii vel martyris, vel Episcopi Toletani à nouitatis, ex citate ad antiquam lucem, à figmentorum nouitate ad antiquam veritatem reuocare quis velit, de Hilduino hac in parte, & de Hilduini sectatoribus actum est. In primis noster Eugenius Martyr non erit Toletanus Episcopus, nec Eugenius Toletanus Episcopus habebitur pro Martyre, sed pro Confessore, de quo sic in Martyrologio Romano, Parisiensi, & aliis pluribus, ad 13. Nouembris: *Ciuitate Toletæ sancti Eugenij Episcopi & Confessoris*. Deinde quod Eugenius al-

ver Toletanus quendam de B. Diony-
 sio hymnum ediderit, cum fides sit pe-
 nes Abbatem , & Monachos sancti
 Dionysii , causa nulla est , cur de eo
 multum laboremus. Qui enim , ut ex
 duobus Dionysiis , ita & ex duobus Eu-
 geniis vnum fecerunt, quid vetuit, quomi-
 nus tam præclari artifices carmen aliquod
 sub Eugenii Toletani nomine conscripse-
 rint, quem postea Martyrem & Arcopagitæ
 collegam dixerunt? Sed explicandæ frau-
 dis hic locus est. Qui post Ludouicum Im-
 peratorem, relata à nobis Eugenii histo-
 riam adornauit, Eugenio suo Martyri &
 Episcopo Toletano tribuit duo poemata,
 vnum, quod incipit: *Rex Deus immensi,*
quo constat machina mundi. Alterum vero
 sic: *Cœliciuēs applaudite.* Primum ad Euge-
 nium Toletanum juniorem nemine re-
 clamante spectat, & est inter eius opuscu-
 la, quæ anno 1619. studio viri Clariss. Iacobi
 Sirmondi prodierunt in lucem: Alterum
 verò cum iisdem non prodiit, quia Eugenij
 Toletani non erat, sed otiosi cuiusdam ho-
 minis, qui illud Eugenio Toletano affin-
 xit. E duobus recentioribus Arcopagiticis
 vnus hos versus omisit consultò, quia frau-
 dem suis, vel alienis naribus suboluit, alter

verò non omisit, quia non suboluit, nec
fortè subolere potuit.

24 Quintum ex num 10. De cuius Dionysii
Arcopagite obitu nihil Græci Scriptores dixe-
runt, quia propter longinquitatem terrarum
transitus ipsius penitus eis fuit incognitus. Ha-
bemus tamen Græca auctoritatis Martyrolo-
gium de tomo Chartisscriniis Constantinopoli-
tanis adeptum, in quo diem natalitij eius de-
designatum, & quia Atheniensium Episcopus
fuerit, reperimus annotatum quod Martyro-
logium, ut antiquitas eius demonstrat, ex eo
tempore constare possit non incògruè remur, quo
Constantino iubente martyria Sanctorum
Domini de toto orbe collecta, & Casaream
sunt connecta; sed & vsque hodie Græcorum
maiores, & Athenarum incolæ perhibent histo-
riarum scriptis & successionum traditionibus
docti, in eadem ciuitate Dionysium tunc tempo-
ris primum fuisse Episcopum, quando Timo-
theus aequè Pauli Discipulus Ephesiorum rexit
Ecclesiam, subrogatoque sibi Episcopo Romam
adiisse, & ut compererunt, apud Gallorum
gentem glorioso martyrio consummatum
fuisse.

In primis turpissimæ se contradictionis
laqueo induit Hilduinus, & Græci Martyro-
logii citatione incòmodat opinationi suæ.

Hinc

Hinc quippe de Arcopagitæ obitu nihil à Græcis auctoribus scriptum asseuerat, & postea Arcopagitam apud Gallos vita functum tradunt Græcorum maiores, & Athenarum incolæ, qui istud ipsum ex historiis, & veterum traditionibus didicerunt. Inde vetus Martyrologium Constantinopolitanum adducit, vbi dies natalis Arcopagitæ, & eius in Atheniensi Ecclesia Sacerdotium designatur. At cuius quæso sancti Episcopi, qui ab vna sede ad aliam migrarit, natalis dies à prima sua sede notatus est in veteribus Martyrologiis? vbi nam tantum reperietur natalis sancti Procli Episcopi Cizyceni? aut Eustastii Beræensis Episcopi? In hoc ergo commate, vt & aliàs sæpè omnem veracitatis opinionem procul à se repellit, & iudicii vadimonium deserit Hilduinus.

Sextum ex num. II. *Quod autem dicunt in passione istius B. Dionysij scriptum haberi, quia* ^{25.} *cum sanctus Clemens Episcopum ordinarit, Galliasque miserit, proculdubio sciant, quod aut prædictam passionem ex veris emendationibus exemplaribus non susceperint, aut scriptorum vitio deprauatam legerint, quoniam non ibi scribitur cum Episcopum à B. Clemente esse consecratum, sed Apostolum co-*

tius Gallia esse consecratum. De quā ordina-
 tione Apostolatus, nisi ad alia se intentio nostra
 dirigeret, & ex Apostolorum Actibus, & ex
 ipsius Domini actione, auctoritatis exemplum
 sufficienter in his scriptis possemus inferre.
 Festinus est hæc in parte Abbas noster, dum
 alios carpit, qui veris & emendationibus
 exemplaribus non vtuntur, cum ipse non
 aliis præterquam fictis, aut inquinatissimis
 vtatur. Enimvero Arcopagita in Aposto-
 lum Galliarum ordinationem ex Actibus
 Apostolorum & ex actionibus Christi pro-
 bare se posse contendit, nisi aliò vocaretur.
 At istud non dicam efferre, sed cogitare
 quis alius auderet vnquam?

Septimum ex num. 12. *Fortunatus vir pru-*
 26. *dens & scholasticissimus in hymno de sancto*
Dionysio Martyre composito commemorat eum.
à B. Clemente destinatum, sicut in Latinorum
paginis didicit. De natione autem & ordinatio-
ne Episcopatus mentionem non facit, quia lin-
gue Græcæ penitus expers fuit. Egregiam ve-
rò rationem! De natione & Episcopali or-
ditione Dionysij Parisiensis non loqui-
tur Fortunatus, quia non nouerat linguam
Græcam. Erit igitur deterioris conditionis
hominibus, qui quamlibet linguæ Græcæ,
Latinæque expertes, de Arcopagita tamen,

deque eius in Gallias apostolatu loquuntur, imò & aliquando scribunt? Deinde cum Fortunatus ignoraret, an Arcopagita fuerit Dionysius ille, qui ex libris Latinorum missus est à Clemente? cur tibi, Hilduine, tuisque affeclis, Dionysius Parisiensis à Clemente missus idē est, qui Arcopagita, si tuo idē non sit Fortunato? Sic reuera ortum habuit opinio Hilduini, vt primò Dionysiu Parisiense à Clemente missum, tum postea eundem Arcopagitā fuisse fabularētur. Deniq; cū hymnus iste nusquam repertus fuerit, nisi in armario Monasterii S. Dionysii, veniam dabit Hilduinus, si fidem ipsi, quia nullam meretur, habere non possumus. De Dionysio & Ecclesia Parisiensi Fortunatus lib. 1. Opusc. cap. 11. & lib. 8. cap. 4. cum plura dicit, eaque magnifica, de illius à Clemente Romano missione nihil significat vnquam, licet cōmodissimam occasionem habeat, & vsquequaque pangendi carminis materiam quærat & argumentum.

Octauum ex eodem num. 12. idē certius tenenda sunt, quæ modò de hoc eximio Martyre ²⁷ collecta conscribimus. Et paucis interiectis: præsertim cum hac, quæ scribimus de antiquiorum antiqua Scriptura sint velut ex prato non Parisiaco, sed Paradisiaco. Verum quæ

& qualis illa sit sancti Dionysii vita, quam scripsit Hilduinus, è multis quatuor copiosissimè docent.

Primum hic titulus vitæ: *Incipit passio sanctissimi Dionysij, qui à loco Arcopagita, & patriotico prænominè Ionicus, Christiano autem agnomine est appellatus Macarius, à sancto Apostolo Paulo Atheniensium ordinatus Archiepiscopus, Apostolica verò auctoritate B. Clementis totius Gallia constitutus Apostolus.*

Secundum Clementis ad Dionysium adlocutio: *Vides, inquit, mi frater carissime Macari Dionisi, quanta est messis dominicationis, & quam pauci sunt operarij. Quia ergo de omnibus Catholica pietatis es sufficienter edoctus, & omni Christiana virtute ac Religionè admodum roboratus perge in nomine Domini partes aggrediens Occidentis, ut bonus miles Christi præliare prælia Domini Dei tui, atque sicut Dominus noster Iesus Christus Magistro meo Petro tradidit, & ego sanctæ hereditatis iure suscepi, ut in ligandi, soluendique auctoritate tibi semper præsto sit diuina potestas, nostris orationibus comitatus, & sanctorum Apostolorum intercessionibus roboratus in tui Apostolatus sorte, Apostolica nostra auctoritate omnem suscipiens Galliam, opus fac Evangelistæ, ministerium tuum imple, ut Christi no-*

titia per te ubique diffusa à Domino in die retributionis merearis audire: Euge serue, bone & fidelis, supra multa te constituam, intra in gaudium Domini tui, &c.

Tertium ex numero 20. Tunc (quando venit Dionysius) memorata Parisiorum ciuitas, ut sedes regia, & conuentu Gallorum ac Germanorum & nobilitate pollebat.

Quartum denique ex num. 35. Sanctorum corporibus digna veneratione sepultis eorum vestimenta, tunica, videlicet, cilicium & caligæ, Dionysii pretiosi, & casula sancti Rustici Archipresbyteri, atque Dalmatica Eleutherij, &c.

Ecce tibi nobiles sancti Dionysii vitæ flosculi, quos ex prato non Parisiaco, sed Paradisiaco se decerpisse Hilduinus gloriatur. At frustra: Nempe fictæ illæ sunt in solo Abbatis nostri monasterio fabulæ, quæ cum Canone Africano, tum Capitulari Caroli Magni ab Ecclesia proscribuntur. Et primum quidem, quid hæc sibi volunt, patrioticum Dionysii prænomen *Ionicus*? quid Christianum agnomen *Macarius*? quid constitutus *Archiepiscopus*, vbi nulli erant adhuc *Episcopi*? sed hîc quàm aduersa Delia venatur Abbas? Nomen *Archiepiscopi* tunc inauditum, & iis ferè solis, qui postea

dicti sunt Patriarchæ, tributum, & in Gallia nostra non ante Cōcilium Matisconense primum vsitatum; quique antea dicebatur Metropolitanus, vel primus inter singularum gentium Episcopos, hīc Canone 6. dici cœpit Archiepiscopus. Deinde Clementis ad Dionysium adlocutionem non prius legas, quàm velut lepidum quoddam Sandionysiani viridiarii somnium repudies. Tum ad ea verba, quibus Luteria Ammiano Marcellino Castellum, Iuliano Cæsari oppidulum, vt sedes nihilo seciūs regia, Gallorum Germanorumque conuentu celebris iactatur, risum quis contineret? Denique casulam Rustici, & Dalmaticam Eleutherii nullus opinor ferret, quī apud Amalarium legerit, institutam esse à Siluestro Dalmaticam, qui apud Strabonem viderit, ordinasse Siluestrum, vt Diaconi Dalmaticis in Ecclesia vterentur, & primum quidem Sacerdotes Dalmaticis ante casularum vsum indutos, postea verò cum casulis vti cœpissent, Dalmaticas Diaconibus concessisse. Qui in vita Cæsarii Arelatensis obseruarit, Symmachum Papam Arelatensibus perinde ac Romanis Diaconis, & Gregorium primum Epist. 3. lib. 7. Aregio Vapincensi Episcopo, & huius Archidiacono

Dalmaticarum vsum ex singulari priuilegio permisisse.

Ceterum cum Hilduinus in hac vita Dionysii virtutes & miracula, quæ apud probatos auctores testatissima sunt, prætermisit, in eo dissimulare non possumus spontaneam, vel necessariam rerû præteritarum ignorantiam. Spontaneam dico ignorantiam, cum sciens forrè prætermiserit, ne quid ex iis veri, sed Monasterii opinioni & commodis aduersum concluderetur. Sed cum hæc ad aliam dissertationem pertineant, nos consultò prætermittimus. Quæ non omitendo, sed quæ potissimum agendo peccauit Hilduinus, exequimur impræsentiarum.

Nonum ex Epistola ad cunctos fideles Arcopagiticis adnexa: *Notitia beatissimi Dionysij apud Latinos modica seruabatur oblecta.* Hic si suis ista momentis expendantur, Hilduinus & iugulû causæ petit suæ, & omnē Discipulis licentiam adimit adferendi nescioq; monimenta, quæ post Hilduinum cōparata, in exitum sacratæ antiquitatis antiquitatem ipsam eementiuntur. Quæ duo singillatim nunc ostēdenda sunt. Et primò quidem, quod exiguan vocat apud Latinos opinionis, quam hominum mentibus

ingenerare volebat, notitiam, ego nullam
 penitus appello, & sic rem conficio, atque
 ab Ecclesia Romana ordior, cuius vetus
 Martyrologium duos Dionysios Arcopa-
 gitam & Parisiensem maximè distinctos
 repræsentat apud Adonem. 5. nonas Octo-
 bris. *Athenis Dionysij Arcopagita sub Adria-
 no diuersis tormentis passi. 7. Idus Octobris:*
*Parisiis Dionysii Episcopi cum sociis suis a Fes-
 cénino gladio animaduersi. Hic Arcopagita &
 Parisiensis diuersis tormentorum generi-
 bus, disiunctissimisque in locis pro Christo
 sanguinem effundunt, aliquot habet Pari-
 siensis socios, Arcopagita nullos. Suspe-
 cta est, inquis, huius Martyrologii fides,
 quid enim? Parisiis, dicit, non Parisius, in
 Parisio, apud Parisium. Itane verò tantum
 in te argutiarum? Suspecta ergo est Grego-
 rii primi Epistola inter ceteros scripta Sim-
 plicio Parisiis. Si vtrumque displicet, Li-
 brarium, vel Typographicum Corredo-
 rem accusa. Iterum, non concordat, inquis,
 cum antiquissimo Romano Baronij, imò Ro-
 manum Baronij nouissimum hac in parte,
 & ab antiquissimo discordat, quod pridem
 aliis Sanctorum nominibus, & rebus au-
 ctum Venetiis excusum est anno 1548.
 iam vidimus. Rursus ex antiquissimis*

Mar-

Martyribus Romanis multos omittit, quos habet Romanum Baronij. Quid inde? nondum erant vindicati, quo tempore vetus illud Martyrologium est conditum, aut si vindicati, diligentiam auctoris fugerunt. Sed quæso absunt ne à Romano Martyrologio, quod anno 1548. Venetijs prodiit, ubi duo diuersissimi reperiuntur Dionysii? Denique quod antiquus historicus, vel tractator nonnihil omiserit, quod absolutè dici potuit, est fortassis, cur illius accuratorem reprehendas, sed profectò nihil, cur suspectam illius fidem in eo quod narrat appelles? en tela, en machinæ, quas tu, sed incassum admoues mœnibus antiquitatis nostræ.

Quibus verò hominibus, quibus-ue ciuitatibus perspectum fuit nostrum Martyrologium, dicet is, cui acceptam Martyrologii conseruationem referre debemus: *Huic operi, inquit Ado in præfatione Martyrologii sui) Ut dies Martyrum verissimè notarentur, qui confusi in Calendarijs satis inueniri solent, adiunxit Venerabile & perantiquum Martyrologium ab Vrbe Roma Aquileiam cuidam sancto Episcopo à Pontifice Romano directum, & mihi postmodum a quodam religioso fratre aliquibus diebus præstitum, quod*

*ego diligenti cura transcriptum positus apud Rauen-
nensem, in capite huius operis ponendum cura-
ui.*

30. Italiam excipiet Anglia, & communis
Angliæ Doctor venerabilis Beda, de cuius
mente sollicitus esse nemo debet. Noster
est, non aduersariorum. Fatetur Hilduinus
Dionysii Areopagitæ & Parisiensis discrim-
men, *ex autumatione Gregorij Turonensis, &
ex subreptione Bedæ*, hominum animos suo
tempore occupasse. Fatetur, inquam, in
Epistola ad fideles Hilduinus, quem, qui
nouerit, in gratiam aduersariorum menti-
ri non velle credit. Fatentur & Monachi S.
Dionysii, quorum alii verberibus ad pali-
nodiam coegerunt Abaelardum suum, qui
Bedæ sententiam Hilduini credulitate po-
tiores affirmauerat: Alii verò vt Vsuar-
dum quoque suum excipiant, eundem à Be-
da deceptum confidentissimè scribunt.
Qua quidem in causa nec ingenuam aduer-
sarium nostrorum (quod rarissimè fit)
confessionem nobis inuideant alii Areo-
pagitici, nec illis fidem detrahant æqui re-
rum æstimatores; vt qui sua in causa nul-
lam, aliquam semel in aliena, id est, nostrâ
sinceritatē quoquo modo seruasse dicantur.
31. De Martyrologio tamen, quod sub

nomine Bedæ vulgatum malè quosdam habet, nonnihil dicendum est. Verba ista sunt: 5. nonas Octobris. Natale sancti Dionysii Areopagite, qui ab apostolo Paulo instructus, credidit Christo, & primus Athenis ab eodem Apostolo Episcopus est ordinatus, & sub Adriano principe post clarissimam confessionem fidei, post gravissima tormentorum genera glorioso Martyrio coronatur. 7. Idus Octobris. Apud Parisium: Natale sanctorum Martyrum Dionysii Episcopi, Eleutherij Presbyteri, & Rustici Diaconi: qui Episcopus à Pontifice Clemente Romano in Gallias directus, ut prædicationis operam populis à fide Christi alienis exhiberet, tandemque ad Parisiorum civitatem devenit, & per annos aliquot sanctum opus fideliter & ardentè executus, à Præfecto Fescennino Sisinnio comprehensus est, & cum eo sanctus Presbyter Eleutherius, & Rusticus Diaconus gladio animaduersi Martyrium compleverunt. Verum ut non plus minus ne huic Martyrologio tribuatur, quam tribuendum sit, observanda duo sunt: Vnum est, illud non magis esse Bedæ, quam cuiuslibet alterius Martyrologium, cum ex puro puto Bedæ exemplari non prodierit, in quo plures Calendarum dies intactos reliquisse Bedam docet Vsuarius: at in hoc edito sub nomi-

ne Bedæ Martyrologio sanctorum nominibus sunt omnes pleni dies: quod iam tunc studio Venerabilis Flori, antè fieri cœperat, quam Ado Martyrologium suum compingeret, ut ipsamet auctor est in sua præfatione. Alterum, Romæ olim apud Baronium Bedæ Martyrologium extitisse, quod haberet vnum duntaxat Dionysium Parisiensem scilicet 7. Idus Octob. Vtrum autem germanum istud, & sine vlla additione fuerit Martyrologium, non affirmat, nec fortean expendit Baronius. Hæc cum ita sint, nobis cum solo Baronio controuersia erit, qui ait, *Non à Beda posita, sed ad Bedam ea de Dionysio Arcopagita addita esse oportuit, ex Græcorum fortè menologio, in quo agitur.* Non. Octob. de Dionysio Arcopagita. Athæc ratio nervos non habet, aut contra Baronium habet, cum si quod nunc editum est Græcorum menologium, vidisset is, qui Martyrologio Bedæ hocce genus additamenti fecerit, non addidisset, quod additum suspicatur Baronius, imò quod additum est, detraxisset, cum in illo Menologio ad tertiam Octobris diem, idem omnino sit Dionysius Parisiensis, qui Arcopagita. Deinde quid additum vel additum non sit, nemo verè dicet vnquam, quoad germanum Be-

dæ inuenerit, recognoueritque Martyrolo-
 logium. Tum hac in re desidero acumen
 Baronii, qui ex mentione vnius Dionysii
 Parisiensis, qui nec Arcopagita, nec Athe-
 niensis, nec ab Apostolo conuersus dici-
 tur, concludit hunc eundem esse cum
 Arcopagita. In eo quod habuit Baronius
 Martyrologio, Arcopagitæ nomine dies
 tertius Octob. vacauit, qui sexcentis in
 aliis eodem plenus est. In quibusdam Mar-
 tyrologiis id, quo de agimus additum est, in
 aliis verò detractum vel immutatum, prout
 Correctores & Librarii in Arcopagitica, &
 opiniones Hilduini & Monachorū S. Dio-
 nysii inciderūt, aut prout hoc vel illo studio
 flagrarunt. In Martyrologio Parisiensi, quod
 Ioannes Muneratus Theologus Parisiensis
 anno 1490. edidit è Regia sua Nauarra, no-
 men Clementis additum est quod Ecclesiæ
 Parisiensis exemplar non habebat. In Ma-
 nuscripto quodam Vsuardi codice, qui in-
 ter plures asseruatur in Bibliotheca S. Ger-
 mani de Pratis, erasum est id omne, quod
 ad asserendum vtriusque Dionysii disci-
 men pertinebat. Denique ex hoc qualicun-
 que Bedæ Martyrologio discant Arcopagi-
 tici, Dionysium Parisiensem à Clemente
 miti potuisse, nec Arcopagitam esse, cum

hic uterque duobus in locis moriatur,
 vnus sine sociis, alter cum sociis Eleutherio
 & Rustico.

32. Ex Anglia soluamus in Galliam, non igno-
 bilem Ecclesiæ Latinæ portionem; huc &
 illuc loca sacra & templa lustremus, ac tan-
 dem videamus, de Dionysio Arcopagita &
 Parisiensi, quis sensus ante Hilduinum quæ
 notitia? quod discrimen? Ducentis quadra-
 ginta ante Hilduinum annis iam vetus ex-
 tabat historia Saturnini Martyris, in qua is
 designatur Dionysius Parisiorum Episco-
 pus, qui non potuit esse Arcopagita, &
 concedit Hilduinus. Huius historiæ frag-
 mentum retulit Gregorius Turonensis in
 historia sua, lib. I. cap. 28. *Huius, inquit, De-
 cii tempore septem viri Episcopi ordinati ad
 prædicandum in Gallias missi sunt sicut historia
 passionis sancti Martyris Saturnini denarrat:
 Ait enim sub Decio & Grato Coss. sicut fidei
 recordatione retineatur, primum ac summum
 Tolosana ciuitas sanctum Saturninum habere
 coeperat Sacerdotem. Hi ergo missi sunt Turoni-
 cis Garianus Episcopus, Arelatensibus Trophi-
 mus Episcopus, Narbonensibus Paulus Episcopus,
 Tolosæ Saturninus Episcopus, Parisiacis Dio-
 nysius Episcopus, Aruernis Stremonius Epis-
 copus, Lemonicis Martialis est destinatus Epis-*

copus. De his verò B. Dionysius Parisiorum
 Episcopus diuersis pro Christi nomine affectus
 pœnis præsentem vitam gladio imminente fini-
 uit. Hæc est de B. Dionysio primo Parisio-
 rû antistite fides, quæ ex primis Ecclesiarû
 originibus ante annos mille deducta est, hæc
 est traditio, quæ ante Hilduinum à suscepta
 Christi religione nullos obnunciatores ha-
 buit. Quid memorem Germanum, Ragne-
 modum, Simplicium Dionysii successores,
 quid referam florentissimum clerum, qui
 omnes opinor hanc Saturnini historiam
 vel apud auctorem, vel apud Gregorium le-
 gerunt, nec repugnarunt? Quid dicam de
 iisdem, vel aliis Parisiensibus Episcopis, qui
 huius historiæ vindicem Gregorium viderunt,
 coluerunt, nec restiterunt, aut illius
 in hac narranda historia simplicitatem, &
 inconsiderantiam arguerunt? Quo igitur
 controuersia, quæ nunc à quibusdam agi-
 tatur, certius reuocabitur, quàm ad nas-
 centis Gallicanæ Ecclesiæ primordia? Erit-
 ne deputandum mendacio, quod ipsa in
 veterima illa Saturnini historia professæ est,
 & tandiu professæ est, iis etiam spectatibus,
 quorum res fuit? Si quis haberet integra re-
 liquorum Martyrum acta, quæ vidisse se
 Sulpitius Seuerus, & Gregorius Turonensis

restantur , aut si quis antiquus scriptor ea
 suis libris castissimè intulisset, his-ne autori-
 tatem abrogares? Adhæc, crederes-ne Gre-
 gorii Turonensis auctorem, vel minimum de
 Dionysii Arcopagitæ in Gallias missione
 rumorem fuisse, quem ille vir & Gallica-
 rum rerum supraceteros studiosissimus, &
 miraculorum cuiuslibet Sancti diligentissi-
 mus obseruator non vindicasset? Cur enim
 quod Eutropio Sanctonum Episcopo, in-
 certæ credens famæ præstitit, Dionysio Pa-
 risiensi negasset? Cur negasset, inquam Gre-
 gorius, qui se diuersis de causis Lutetiæ fre-
 quentissimè versatū passim testatur? Imò qui
 videtur in referēda horū Episcoporum histo-
 ria peculiarem operam collocasse? Liberan-
 da veritas forsā expectabat Hilduinum,
 cui quod à maioribus acceperat per obsi-
 gnatam tot decursarum ætatum chirogra-
 phis traditionem, interuerrere placuit. Sed,
 inquiunt, errat Gregorius: Petrum à cete-
 ris Apostolis ordinatum Episcopum Ro-
 mæ, Paulum vno post Petrum anno mor-
 tuum, Sixtum Romanum, qui sub Valeria-
 no, passum sub Decio prodidit: Itaque & in
 Dionysio Parisiensi errare Gregorium
 dicendum est. Itane ~~sc~~ concluditur?
 Maximè verò. Extra scopum iaculamini
 Arcopa-

Areopagitæ defensores, tela vestra si quem feriunt, auctorem Gregorio vetustiore feriunt, non Gregorium. Quodnam argumenti genus? In quibusdam errat Gregorius, ergo & vetus auctor, & ipse forsan αὐτόπτης historiae, quam Gregorius retulit: ô dignam Aristotele consequentiam! Profectò id genus Arcopagiticorum nobis illud, & meritò, si patiamur.

Enimuero non relator tantum, sed & auctor sit historiae Gregorius: quanti autem sint errores, qui obiciuntur, non disputo? nunc in quibusdam errauerit Gregorius, volo. Quid inde? cõmunis hic locus est, quo si quis utatur, ab vlllo propemodum scriptore, qui Canonicus non sit, nihil admittet vnquam. Nempe vix vllus est, qui si longum aliquod opus, & maximè historicum ediderit, non nihil passus sit humani. Res nota est. Sed ad duos eã ob rem recentiores Arcopagi defensores cominus accedo. Alter in Vindiciis, qua parte Massiliensibus Lazarum, Aqueusibus Maximinum Episcopum tribuit, in huius rei fidem laudat Sigebertum in chronico ann. 745. Martyrologium Romanum 22. Iulii, & Martinum Polonum in Chronico. At Sigibertus Miæri, qui purior est, de Maximino & Lazaro

nihil penitus scribit. Sigibertus Piætorii, & Martinus in Chronico de Maximino loquuntur, de Lazaro silent, & Martyrologium Romanum 22. Iulii de utroque negry quidem: In his uti vides, fallitur vindex Arcopagiticus, ergo & quæ volueris ab eo dicta in opere vindiciarum, nullius erunt auctoritatis. Alter verò in Gallicano Martyrologio ad 24. Augusti, Audocenum Rotomagensem à Dadone separat, hoc est, à seipso, & vnum facit cum Adone, id est, cum fratre natu maiore. Ad decimum Nouembris in supplemento Martyrologii Ioānem Scotum seu Erigenam dictum. *ut Christi Martyrem*, in libro verò de mysticis Gallie script. pag. 1073. *ut pestem Ecclesie in viuis, & post mortem hærescos damnatum affirmat*; Item Gatianus Arcopagitæ Discipulus Turones à Clemente missus est pag. 956. & 957. de Myst. Gallie script. & pag. 1093. annis vixit 50. in Episcopatu. In Martyrologio Gallicano ad 13. Septemb, Lidorius Gatiani Discipulus Magistro successit, & annis in Episcopatu vixit 33. Sub Lidorio Martinus in Galliam venit, prædicauit Euangelium, & Lidorio successit. Martinus ad 11. Nouemb. Treuirensi Concilio interfuit, & post sedem annorum 25. abiit ad superos

tempore Seuerini Coloniensis. Hæc chronica serie exponamus: Gatianus cum Arcopagita venit ann. Chr. 98. & obiit ann. 148. Lidorius successit, & obiit anno 181. Martinus Lidorio successit, & anno post Lidorium 25. obiit, id est ann. Christi 216. Deinde quia Martinus Treuirensi interfuit Cōcilio, quod habitū est ann. 386. & ætatē Seuerini Coloniensis attigit, etiā debuit, obiisse circa ann. 400. atque ita annis propemodū 184. vixit in Episcopatu. At in his plerisque sinē dubio fallitur auctor Martyrologii: ergo ex huius & illius Arcopagitici Dialectica, quicquid volueris peccauerit, siue in Martyrologio, siue in aliis libris. Reddimus ergo vobis, si diis placet, vestras aduersus Gregorium ~~exceptiones~~ ^{quæ} non fallor, præ se ferunt speciem adulterinæ monetæ, quam quicudunt, dare quidem volunt aliis, sed recipere nolūt vnquam. Sic est enim, sic est: Nō istis itaque communibus locis, quibus vel læditis alios, ita & vos lædimini, primus historiæ Saturnini scriptor, & vindex secundū illum Gregorius, sed propria & legitima ratione excipiendi sunt. Quomodo igitur? quærite vosmetipsi: res vestra agitur: per antiquiores dico ego, vel æquales, vel saltē supparēs scriptores, qui rem melius nouisse

potuerint. Detur igitur vel vnus auctor antiquior, æqualis, vel suppar, qui similem de Arcopagitæ in Gallias missione historiam scripserit, modò de illius ætate, & scriptorum sinceritate perinde constet atque de Gregorio, deque historia Saturnini, sine vlla controuersia cedemus, quicquid aliàs alia de re in tali historia dubium, vel minus exquisitum narraretur. Pares nobis disputandi conditiones offerant Arcopagitici, si verum amant.

34 Hic nobis conueniendus est Baronius, qui hanc ipsamet Gregorii historiam modò vt testem veritatis appellat, modò vt testem falsitatis repudiat. Negas? aio enim uerò. ~~Idem~~ ~~Idem~~ vt suo Martyrologio quærat fidem apud antiquos ~~de Martini~~ ~~Idem~~, ad 1. Nouemb. de Austremonio Aruernensi, ad 29. eiusdem mensis de Saturnino Tolosano, ad 18. Decembr. de Gatiano Turonensi lectorem ad Gregorium Turonensem remittit lib. 1. hist. cap. 30. Ad 9. autem Octob. cum accedit, non amplius ad Gregorium, vt qui errauerit lib. 1. hist. cap. 30. sed ad scriptores ducentis & amplius annis posteriores remittit, Hilduinum & Hincmarum, quorum ille vir candidus & sincerus Gregorium Turonensem *simplicem* appellat.

Nunc Baronio reddimus, quod suum est to-
mo 1. Annalium cap. 12. Quod à recentiore
auctore de rebus adeo antiquis sine alicuius ve-
tustioris auctoritate profertur, contemnitur.

Gregorium Tutionensem sequitur vetus
Martyrologium, quod vidimus in antiqua 35.
S. Martini de Campis Bibliotheca, vbi pu-
blicam de duobus nostris Dionysiis fidem
videre est. 5. Non. Octob. Natalis sancti Dio-
nysij Episcopi & Martyris, qui post clarissimam
confessionem fidei, post gravissima, tormentorum
genera glorioso martyrio coronatus est. Hæc
ibi tantum. 7. Idus Octob. Apud Parisius Na-
talis sanctorum Martyrum Dionysij Episcopi,
Rustici Presbyteri, & Eleutherij Diaconi: Qui
B. Episcopus à Pontifice Romano in Gallias præ-
dicandi gratia directus, ad præfatam urbem deue-
nit, vbi per aliquot annos commissum sibi opus fi-
deliter prosequens, tandem à Præfeto Fescenni-
no, vna cum sociis gladio animaduersus marty-
rium complevit. Hæc in eo Martyrologio,
quod post Clodoveum II, & ante Carolum
Magnum conscriptum est, tum quia nullū
Confessorem, vel Martyrem Leodegario
Augustodunensi recentiore referat, tum
quia multò pauciora, quam Vsuarius, com-
plectatur.

Post hoc Martyrologium dandus est lo- 36.

cus antiquissimis sanctorum Fusciani & Victorici gestis, in quibus sic legitur: Quo tempore Maximianus Augustus per arua Gallie præsidebat, sancti viri Fuscianus & Victoricus cum duodenario numero sociorum per ordinem glomerati, vna cum venerabili Dionysio præfule, comitibus ceteris Piatone, Rufino, Crispino, Crispiniano, Valerio, Luciano, Marcello, Quintino, & Regulo ab Vrbe Roma cursu intrepido progredientes intra fines Gallie peruenerunt, &c. Vidit hanc opinor historiam Audoenus Rotomagensis, qui in vita Eligij Veromanduorum Episcopi lib. 2. cap. 7. Lucianum Quintini collegam facit. Vidit & Vsuardus, qui Piatonem, aliosque Dionysio Episcopo comites adscribit. Historia Saturnini Dionysianæ missionis, non mortis, acta, vero sanctorum Fusciani & Victorici, mortis non missionis tempus designant: quæ duo tamen nonnunquam facile confunduntur. Præterea Gatianus Turonensis Dionysij nostri socius, cum annis 50. vixerit in Episcopatu, quid prohibuit, quominus vitam ad Diocletianum, & Maximianum vsque protraxerit Dionysius?

37. His Fusciani & Victorici gestis succedit Vsuardus Monachus S. Germani Parisien-

sis in Martyrologio, quod iussu Caroli Magni confecit. Calend. Octob. Ciuitate Tornaco passio sancti Piatonis Presbyteri, qui cum B. Dionysio eiusque sociis ab Vrbe Roma Galliam predicationis causa expetijt, ac postea consummato martyrio migravit ad Dominum.

5. Non. Octob. Natalis B. Dionysij Episcopi & Martyris, qui post clarissimam confessionem fidei, post grauissima tormentorum genera, glorioso martyrio coronatus est, vt testatur Aristides Atheniensis vir fide sapientiaque mirabilis in eo opere, quod de Christiana religione composuit. Hic vides, quid præcedenti Martyrologio superaddat Vsuardus. 7. Idus Octob. Apud Parisum Natalis sanctorum Martyrum Dionysij Episcopi, Rustici Presbyteri, & Eleutherij Diaconi: Qui B. Episcopus à Pontifice Romano in Gallias predi-
candi gratia directus ad præfatam Urbem deuenit, Vbi per aliquot annos commissum sibi opus fideliter prosequens, tandem à Præfecto Fescennino vna cum sociis suis gladio animaduersus martyrium compleuit. Hic superiori Martyrologio nihil adiectum est, sed maiorum traditio solis maiorum verbis retenta. Quid habes Hilduine, quod huic testatissimæ traditioni opponas? Nihil inquis, quia noticia beatissimi Dionysij modi-

cà apud Latinos seruabatur obiecta. Rectè quidem, ergo tu nouator? Minimè verò, respòdes? quid igitur? audio: quæ scribis, de prato sunt nò *Parisiaco*, sed *Paradisiaco*, at quæ scribunt *Vsuardus* & alii, de prato sunt *Parisiaco*. Ita sane. Quæ scribunt isti, de fide & traditione Romanæ Ecclesiæ, Gallicanæ, & potissimum *Parisiensis* petuntur.

38. Succeturiati porrò milites *Hilduini* quid adferunt noui, cum de veteri paratura habeant nihil? à *Beda*, inquit ille, deceptus est *Vsuardus*: satis est dixisse; vnde probas hunc deceptum, illum verò deceptorem? sit deceptor *Beda*: quasi verò tam credulus *Beda* *Vsuardus* esse potuit, vt secus ac in *Parisiensi Ecclesia*, in *Monasterio sancti Dionisii*, & suo crederetur, publicis literis mandasset, aut mandare ausus fuisset? vbinam tunc ij *Monachi*, à quibus vapulauit *Abaclardus*? Deinde argutator noster vnde accepit, *Vsuardum* à *Beda* potius, quàm à *Floro*, & alijs præcedentium *Patrum Martyrologiis*, quibus vsum se profitetur, in errorem inductum esse? Frustra ergo proficitur *Vsuardus*, sagaci à se indagine, id perquisitum, quod in suo *Martyrologio* mutauit vel auxit? Satis profectò non est, illud omne, quod sorte quadam venit in buccam, respondere

respondere quod non probetur, imò, quod hominem ridiculum, & totis theatris explodendum sæpissimè proponat. Neq; verò difficilè capimus, quò tendat hic auctor. Vno verbo: Vsuardus, qui maiorum traditionem Lutetiæ secutus est impunè, errauit: at verò non errant Arcopagitici vindices, qui contra suis exploratâ legibus maiorum traditionē castrametantur. Sed alter cum peruideat amentata esse tela, quæ ex Vsuardo promittitur, ait Monachum nō esse sancti Germani Parisiensis, sed Fulde: atque ita partium studiis obcæcatus receptum habet ad errorem, quem nuper peculiari contra vēdicatam à Molano Sigeberti opinionem velitatione dissiparat. Quippe mauult exploratum à semet errorem publicis scriptis asserere, quam assertam ab aliis veritatem amplecti. Sua sit illi suo modo sapiendi libertas. Sufficit nobis verus illa scheda, quam Vir Clar. Petrus Pithœus Monasterio sancti Germani dedit ad assertionem Vsuardi, vbi sic disertè habetur: *explicit Prologus Vsuardi Monachi sancti Germani Parisiensis*. Scio quidem æstuosissima ab aduersario asseueratione scriptū, in hoc Prologo nomen *Parisensis* desiderari, sed excusandus est vir admodum consideratus,

quia non legerat. Fingunt alii varia effugia, sed quæ omnia duobus in locis, duobus diebus mors illata variè duobus, vni cum sociis, alteri sine sociis, & ad Calend. Octob. Piatonis inita cum Dionysio Episcopo societas vsquequaque præcludunt.

39. Duabus itaque viis Dionysii Arcopagitæ & Parisiensis discrimen certissimè constat: vna est, quod Hilduinus Martyrologium nullum, scriptorem nullum, qui à nobis legatur, suæ sententiæ adstipulatorem produxerit: Altera, quod ab incunabulis Ecclesiæ Latinæ consentientem nullo reclamante traditionem exhibuerimus vsque Carolum Magnum. Quare nemo prudens non intelligit, Erigenam 50. circiter post annis lepidâ quadam ironiâ Hilduinum suggillare, qui B. Dionysii vitam nuperrimè conscripserat. Etenim vbi iactatam de Arcopagitæ in Gallias aduentu, non Dionysii Corinthiorum Episcopi, non Polycarpi, non Eusebii, non Gregorii primi, sed aliorum moderni temporis hominum opinionem affirmat, continuò subiicit, *quantum vita eius à fidelibus viris tradita restatur.* Nouerat Erigena, quanta erat Hilduini fides, qui ex Eusebio Arcopagitæ in Galliæ transitum asseruerat, qui ex Actibus

Apostolorum, & ex actionibus Christi commissum Arcopagitæ Apostolatam totius Galliæ probare se posse dixerat, nisi aliò vocaretur. Perinde quasi dari possit melior, aut certior probatio, quàm quæ ex Scripturis sacris, & ex actionibus Christi deduceretur. Hunc quoque sparsum Hilduinianæ nouitatis rumorem colligit in Martyrologio suo Rabanus: *Dionysium, inquit, Rusticum & Eleutherium referunt à Clemente Papa in Galliam ad prædicandum verbum Dei missas. Ut Nonis Augusti ex nescio quorum mente Dionysium à Petro in Gallias missum cum Memmio Catalaunensi, sic & 7. Idus Octobris ex Hilduini opinionem eundem à Clemente in Gallias ablegatum recenset.*

Verumenimuerdè hoc ipsomet tempore, in quo versamur, res aliter successit, atque
 Arcopagitici quidam, imò & alii sibi persuadent. Quis ergo tunc vniuersi negotii exitus? quis vtrique, nisi vsitatus, & solitus? Retenta est scilicet in Galliarum Ecclesiis antiquitas, explosa nouitas. Istud oculis subiicimus. In primis prodeat Adu Vienensis, qui quo tempore Hilduini, & potissimum Hincmari studia feruebant, Martyrologium conscripsit, vbi & maiorum

retinetur traditio, & firmatur. 5. Non.
 Octobr. Natalis S. Dionysii Arcopagita, qui
 ab Apostolo paulo instructus credidit Christo, &
 primus apud Athenas ab eodem Apostolo Epis-
 copus est ordinatus, & sub Adriano Principe post
 clarissimā confessionē fidei, post gravissima tor-
 mentorū genera glorioso martyrio coronatur, ut
 Aristides Atheniensis vir fide sapientiaque mi-
 rabilis testis est in eo opere, quod de Christiana
 religione composuit. Hoc opus apud Athenien-
 ses summo genere colitur, & inter Antiquorum
 monimenta clarissimum tenetur, ut peritiores
 Græci affirmant. Perpēdite quæso hīc Ado-
 nem arguere recentiores quosdam Græ-
 cos, qui minus periti, à maiorum traditio-
 nibus, ut forsā Hilduino gratificarentur,
 defecerant. Quicquid enim tunc Græci
 scripserunt de B. Dionysio, id ex Commē-
 tariis Gallorum profectum esse non obscu-
 rē docet Hincmarus in Epistola, quam ab
 eodem scriptam volunt ad Carolum Cal-
 uum: *Recognoui* (inquit lecta B. Dionysii
 passione à Methodio Græcē scripta, & ab
 Anastasio Latinē versa) his, quæ ibi scripta
 sunt, ea, quæ in adolescentia legeram, consona-
 re, videlicet per quos ac qualiter gesta martyrij
 B. Dionysii, sociorumque eius ad Romanorum
 cognitionem, indēque ad Græcorum notitiam

peruenerint. Quàm verò prudenter inter peritiores & minus peritos discernat Ado, dici vix potest. Quis enim nescit peritioribus, non minùs peritis in negotio, quod ad accuratam discussionem pertinet, potio- rem habendam esse fidem? 7. Idus Octobr. Apud Parisium natalis sanctorum Martyrum Dionysii Episcopi, Eleutherij Presbyteri, & Rustici Diaconi: Qui B. Episcopus à Pontifice Romano ad Gallias directus, vt prædicationis operam populis à fide Christi alienis exhiberet, tandem Parisiorum ciuitatem deuenit, & per aliquot annos sanctum opus fideliter & ardentè executus, à Præfetto Fescennino Sisinnio comprehensus & cum eo sanctus Presbyter Eleutherius, & Rusticus Diaconus gladio animaduersi martyrium compleuerunt. Hæc ille, quæ vt cetera, ex collectis vndecunque passionum codicibus se cõpegisse præfatur. Itaque cum hoc ipsum, quod de Dionysio Parisiensi tradit, iisdem prorsus verbis repræsentet Breuiarium Romanum annis, 1529. & 1543. in Gallia editum, vt antea num. 13. obseruatum est, nunc reitèrum diligentius examinatâ pronuntiare nò audeo, vtrum Ado ab Ecclesia Romana, an vero Ecclesia Romana ab Adone hanc historiam desumpserit? sed, vt ut est, & quod

ad rem facit plurimum, conspirantem vbi-
que traditionem habemus, atque in primo
nulli sunt aduersarii, & in altero capti.

41. Porro ex his, quæ hætenus, & maximè
in Adonem differuimus, omninò concidit
triplex illud suffragii genus, quod ostendit
Hincmarus in epistola ad Carolum, *Græca*,
scilicet, *testificatio, sanctæ Sedis Romanæ atte-*
statio, & Gallicana contestatio. Etenim Græ-
ca testificatio ad Methodium & alios Græ-
cos, qui vitam Dionysii ex Commentariis
Hilduini magna ex parte scripserunt, Ro-
manæ Sedis attestatio ad Anastasium Bi-
bliothecarium, qui vitam, vt aiunt, à Me-
thodio Græcè scriptam Latinitate donauit,
Gallicana contestatio ad Hilduinum redu-
cenda est; atque ita ad vnū Hilduinū vt ad
primum erroris fontem omnia reducta esse
videmus. Quod autem Græca testificatio
non vltra Methodium reducat, constat
primū ex eo quod Sophronius Hieroso-
lymitanus in Epistola Synodica apud Pho-
tium Cod. 231. Bibliothecæ, & Patres sextæ
synodi generalis act. 8. S. Dionysii Episco-
pum Atheniensem & martyre, non Parisiën-
sem vocent; at Episcopū post suam transla-
tionem non à prima, sed à secunda sede ap-
pellari traditio Ecclesiæ est. Deinde ex Hil-

duino (si sibi cōsentiret) qui Græcos auctores de Dionysii Arcopagitz obitu nihil tradidisse scribit; tum ex Hincmaro citata iam epistola, vbi Romani à Gallis, & à Romanis Græci Dionysianæ vitæ notitiam consecuti sunt. Quod verò Romanæ sedis attestatio in sola Bibliothecarii autoritate sistat, manifestè liquet, tum ex eo quod Martinus Papa in Conc. Lateranensi, Agatho in epistola ad Constantinum Imperatorem, Adrianus primus in scripto ad Carolum de colendis imaginibus, Dionysium Atheniensem Episcopum non Parisiensem appellent cōtra Episcopalis translationis consuetudinem, si quam olim factam fuisse nouissent: Deinde ex eo quod Pelagius 2. Epistola 1. & Stephanus 6. epistola quoque 1. necessariam Episcoporum de vna sede ad aliam migrationem tractantes, & exemplis B. Petri & aliorum confirmantes de Arcopagita verbum nullum fecerint, cum tamen nulla vnquam fuisset facta translatio illustrior, nulla inter disiunctiores ciuitates memorabilior, nulla tandem ad asserendam primis sæculis Romanorum Pontificum auctoritatem potentior; Quam quæso te cur Gelasius 1. & alii Romani Pontifices omisissent, vbi suam in

Orientalēs potestatem vindicarunt? Deniq;
 ex eo quod Martyrologia & diuina Roma-
 næ Ecclesiæ Officia Dionysium Paris.
 ab Arheniensi perpetuò distinxerint. Gal-
 licana verò contestatio vnicum, vt iam
 constat, & nono isto specimine magis
 constabit, principem habet Hilduinum, qui
 & tunc quibusdam aliis facile imposuit,
 in ea potissimum quæstione, quæ populi res
 nouas amantis fauorem plausumque alle-
 ctaret. Adhæc, quàm parum castè integrè-
 que versatus sit Hincmarus in hac causâ,
 docet fabulosissima, quibus vtitur, beati, vt
 vocat, Sanctini gesta; Atqui cum non Afri-
 cano solum Canone & Capitulari Caroli
 Magni, sed & sola lectione refellantur, ea
 huc referre & refellere non oportet. Re-
 centiorum Arcopagiticorum alter hæc
 gesta prætermisit, consultius facturum, si
 pleraque alia prætermisisset: Alter insuper
 habito librorum & auctorum delectu, ne
 tanta probatione careret, cupidissimè re-
 tinuit. Quinetiam is est, qui credat se sci-
 uisse, quod collega nesciret. Sed βέλτιον
 ἀγνοεῖν καλῶς, ἢ ἰδέναι κακῶς.

42

2. Prodeat Folcardus Monachus S. Ber-
 tini in vita S. Audomari Morinensium
 Episcopi cap. 6. Igitur, inquit, plebs Tarua-
 nensis

mensis licet longè ante eius (Audomari) ad-
uētum à beatissimi martyris Dionysij sociis Fus-
ciano, & Victorico Verbum Dei accepisset eo
tempore , quo egregius Christi martyr Quinti-
nus apud Ambianenses prædicabat. At Fuscia-
num, Victoricum & Quintinum ad Maxi-
miani tempora pertinere quis negauit ha-
tenuis ? Vidit ergo Folcardus Fusciani &
Victorici historiam , in qua duodecim
Christi athletarum caput erat noster Dio-
nysius. In exemplari, quod ille habuit, non-
dum erat Eugenius , quem corruptores
nescioqui in Dionysii nostri locum suffe-
cerunt. Hanc autem historiam in Parisien-
si Ecclesia publicitùs olim lectam fuisse
ostendimus num. 10.

3. Testetur Notkerus Monachus S. Gal-
li in Martyrologio suo : 5. Non. Octobr. 43.
Natiuitas S. Dionysij Arcopagita , qui ab
Apostolo Paulo ad fidem deductus, etiam primus
Athenarum Episcopus est ordinatus, & sub
Adriano Principe post clarissimam confessio-
nem fidei, & grauissimorum tormentorum ge-
nera martyrio coronatus est. 7. Idus Octobr.
Apud Parisium passio Dionysij Episcopi, Eleu-
therij Presbyteri, & Rustici Diaconi. Qui B.
Episcopus à Pontifice Romano causa peregrina-
tionis (prædicationis) in Gallias directus Pa-

riorum ciuitatem deuenit, vbi per aliquot annos miraculis fidem confirmantibus cum ad viam veritatis populos conuertere satageret, à Prefecto comprehensus cum Rustico & Eleutherio martyrio coronatus est. Hæc ex Notkero adferimus non eo tantum consilio, vt nostram de duobus Dionysiis traditionem confirmemus, quæ tamen ex deriuatis maiorum in Martyrologii vsus verbis apprimè confirmatur, sed vt & Hilduini & scætorum identidem configamus ἀνακολουθίας, qua statim atque suis in chartis missum à Clemente Dionysium offendunt, Arcopagitam inde fuisse concludunt. Et enim cum corruptam Memmij Catalaunensis Episcopi vitam non accuratè expendet Notkerus, ad Nonas Augusti legi scripsit, *Memmii, Dionysium & alios quosdam ab Apostolo Petro in Gallias destinatos fuisse.*

- 44 4. Prodeat qui iam prodiit Fulbertus Carnotensis antistes in hymno de S. Piatō. Tornacum versus Piatō se direxit inclytus, cum Parisius iret B. Dionysius. Infra. At Cæsar Maximianus, vt Piatō hausit famam virulentis auribus, comprehendi iussit eum ad necandum protinus. Cum Fulberto prodeat Calendarium Manualis Carnotensis editi Lutetiæ anno 1604. vbi sic habetur 5.

Non. Octob. Dionysii Episcopi & martyris.
 3. Lect. 7. Idus Octobr. Dionysij, Rustici &
 Eleutherij Mart. duplex. Prodeat & aliud ibi-
 dem editum anno 1490. vbi sic legitur, 5.
 Non. Octobr. Dionysij Episcopi, 7. Idus
 Octobr. Dionysij, Rustici, & Eleutherij Mar-
 tirum. Prodeat & alia, vnde ista in lucem
 prodiere. Mirus est in Fulberto recen-
 tiorum Arcopagiticorum antesignanus,
 qui velis remisque contendit, in ea fuisse
 Fulbertum hæresi, vt Dionysium Pari-
 sem eundem esse cum Arcopagita crede-
 ret. Atenim quibus tandem rationum mo-
 mentis? vnica, sed vt auctori videtur, pal-
 mari: Nempe quod Robertus Gallie Rex cuius
 Fulbertus fuit Consiliarius, & Cancellarius
 Parisiensem Dionysium eundem esse crediderit,
 atque Arcopagitam. Ita, me Deus adiuuet,
 per tres ferè paginas ratiocinatur. Nos ve-
 rò exemplum in differendo non bonum se-
 qui si liceret, modò diceremus, Parisien-
 sem Dionysium Roberto Regi eundem
 non fuisse cum Arcopagita, cum, vt per-
 spicué constat, Dionysius Parisiensis Ful-
 berto non fuerit idem, qui Arcopagita.

5. Testetur Letaldus Monachus in pro-
 logo vitæ S. Iuliani Cœnomanensis. Sunt
 nonnulli, qui dum attollere sanctorum facta ap-

petunt, in lucem veritatis offendunt, quasi san-
 ctorum gloria mendacijs erigi valeret: Infra.
 Dicenda ergo cum veritate sunt, quæ veritas
 gessit, quia si aliquis patrum aliquod dicitur fe-
 cisse miraculum, non illud homo, sed Deus opera-
 tur, & post alia. Porro cum B. Dionysius à S.
 Gregorio (Turonensi) ex eorum numero fuis-
 se dicatur, & in gestis gloriosi patris Iuliani
 cum eodẽ sancto Dionysio ad Gallias predicatu-
 rus venisse narretur, non dubium æstimò, quin
 sub Decio, Valeriano, Gratoque Coss. & Six-
 to Romana Sedis antistite fuisse monstretur.
 Quàm, Deus immortalis, diuersus est ab
 Hilduino & Hilduini Discipulis Letaldus.
 Infinitæ orationis argumentum exhauseris
 si quæ præfatur omnia Letaldus, seriò ani-
 maduertas.

- 46 6. Legatur Martyrologium S. Martini
 Turonensis: Calend. Octob. Ciuitate Tor-
 naco passio S. Piatonis Presbyteri, qui cum B.
 Dionysio Episcopo, suisque sociis ab Vrbe Roma
 Galliam prædicationis causa expetijt, &c. vt
 supra 5. Non. Octobr. Natalis B. Dionysij
 Episcopi & Martyris, qui post clarissimam
 cõfessionem fidei, &c. vt supra 7. Idus Octob.
 Apud Parisium Natalis beatorum martyrum
 Episcopi, Rustici Presbyteri, & Eleutherij
 Diaconi: Qui B. Episcopus à Pontifice Roma-

no in Gallias predicandi gratia directus prefatam urbem deuenit, &c. vt supra.

7. Videantur duo Martyrologia Sueffionensis ciuitatis, vnum S. Petri, alterum S. Crispini Maioris, in quibus sic habetur: Calend. Octobr. Ciuitate Tornaco, passio S. Piatonis Presbyteri, qui cum B. Dionysio Episcopo eiusque socijs ab Vrbe Roma Galliam predicationis causa expetiit, &c. vt supra 5. Non. Octobr. Natalis B. Dionysii Episcopi, & martyris, qui post clarissimam confessionem fidei, &c. vt supra 7. Idus Octobr. Apud Parisius Natalis sanctorum martyrum Dionysii Episcopi, Rustici Presbyteri, & Eleutheris Diaconi: Qui B. Episcopus à Pontifice Romano in Gallias predicandi gratia directus prefatam urbem deuenit, &c. vt supra. Ceterum Sueffionenses Ecclesiæ festum habent plurium sanctorum, quorum reliquias Niuello Sueffionum Episcopus Constantinopoli suscepit anno Christi 1205. & inter has reliquias è veteri Processionali Ecclesiæ B. Mariæ Sueffion. numerantur, capita sanctorum Thomæ, Thadæi Apostolorum, Iacobi martyris, Dionysii Arcopagite. Cum nulla fraudis occurrat suspicio, & qui Dionysii Arcopagite caput dederunt, & qui receperunt, Arcopagitam in Oriente mor-

ruum credidēre, nisi fortē diuulsum à corpore caput Monachi S. Dionysii Constantinopolim miserint aliquando.

48 8. Audiatur Martyrologium vsui Monasterii S. Martini de Campis accommo-
datum, in veteri eiusdem Bibliotheca: Calend. Octobr. Ciuitate Tornaco passio S. Piatonis Presbyteri, qui cum B. Dionysio Episcopo, eiusque sociis Galliam predicationis causa expetiit, &c. vt supra 5. Non. Octobr. Natalis B. Dionysii Episcopi & martyris, qui post clarissimam confessionem fidei, &c. vt supra 7. Idus Octobr. Apud Parisiacum (Parilium) Natalis sanctorum martyrum Dionysii Episcopi, Rustici Presbyteri, & Eleutherij Diaconi: Qui B. Episcopus à Pontifice Romano in Gallias predicandi gratia directus prafatam Urbem deuenit, &c. vt supra.

49 9. In medium proferatur Martyrologium S. Vi&toris Parisiensis. Calend. Octobr. Ciuitate Tornaco natalis S. Piatonis, qui cum B. Dionysio Episcopo, eiusque sociis ab Vrbe Roma Galliam predicandi causa expetiit, &c. vt supra 5. Non. Octobr. Natalis B. Dionysii Episcopi & martyris, qui post clarissimam confessionem fidei, &c. vt supra 7. Idus Octobr. Apud Parisius Natalis sanctorum martyrum Dionysii Episcopi, Rustici Presby-

eri, & Eleutherij Diaconi: Qui B. Episcopus
à Pontifice Romano in Gallias predicandi gra-
tia directus præfatam urbem deuenit, &c. vt
supra.

10. Producat^r Martyrologium illud, 50.
quod in Breuiario Ordinis Fratrum Præ-
dicatorum Parisiensium descriptum est an-
no 1254. Calend. Octobr. Tornaco passio S.
S. Piatonis Presbyteri, qui cum B. Dionysio
Episcopo, eiusque sociis Galliam predicationis
causa expetijt, &c. vt supra 7. Idus Octobr.
Natalis Dionysii Episcopi & martyris, qui post
confessionem clarissimam fidei, &c. supra 7.
Idus Octobr. Apud Parisium natalis sancto-
rum martyrum Dionysii Episcopi, Rustici Pres-
byteri, & Eleutherij Diaconi: Qui B. Episco-
pus à Pontifice Romano in Gallias predicandi
causa directus præfatam urbem deuenit, &c. vt
supra.

11. In auctoritatem admittatur Marty- 51.
rologium Ecclesiæ S. Sepulchri Parisien-
sis: Calend. Octobr. Ciuitate Tornaco passio
S. Piatonis Presbyteri, qui cum B. Dionysio
Episcopo, eiusque sociis ab vrbe Roma Galliam
predicandi causa expetijt, &c. vt supra. 5 Non.
Octobr. Natalis B. Dionysii Episcopi, &
martyris, qui post clarissimam confessionem fi-
dei, &c. vt supra 7. Idus Octobr. Apud Pa-

risum natalis sanctorum martyrum Dionysii
Episcopi Rustici Presbyteri & Eleutherij Dia-
coni : Qui B. Episcopus à Pontifice Romano in
Gallias prædicandi gratia directus præfatam
urbem deuenit, &c. vt supra.

32. 12. Euoluatur Calendariū antiqui Breuiarii
ad vsum cuiusdam, ni fallor, è secunda
Belgica Ecclesiæ, quod in Bibliotheca Do-
minicanorum Parisiensium hodièque as-
seruatur : ibi duo distincti Dionysii, di-
stinctaque officia consignantur : 5. Non.
Octobr. Dionysii martyris memoria 7. Idus
Octobr. Dionysii sociorumque eius martyrum,
duplex.

33. 13. Adferatur aliud Calendarium An-
tiphonalis Ambianensis, quod extat Lu-
tetiæ in collegio Choletæorum : 5. Non.
Octobr. Dionysii Arcopagite fit, & hic ni-
gro signatur caractere. 7. Idus Octobr.
Dionysii martyris, sociorumque eius. Et isti ru-
bro notantur caractere.

34. 14. Examinetur Martyrologium illud
quod iussu Ludouici Parisiensium antistitis
Ioannes noster Muneratus Theologus Pa-
risiensis edidit Lutetiæ anno 1490. Cuius
Tornaco passio S. Piatonis Presbyteri, qui cum
B. Dionysio Episcopo, eiusque socijs ab urbe Ro-
ma Galliam prædicationis gratia exierit,
&c.

&c. vt supra 5. Non. Octob. Natale B. Dionysii Episcopi & martyris, qui post clarissimam confessionē fidei, &c. vt supra. 7. Idus Octobr. Natale SS. Mart. Dionysii Episcopi, Rustici Presbyteri, & Eleutherij Diaconi: qui B. Episcopus à B. Clemente Papa in Gallias prædicādi gratia directus præfatam urbem deuenit, &c. vt supra. Hic editor ex vulgi credulitate Clementis nomē, quod vt iam obseruauimus num. 31. in exemplari suo, id est, Ecclesiæ Parisiensis desideratur, addidit, haud aduertens, Dionysium Piatonis comitem à Clemente non potuisse mitti, & Dionysium, cuius natalis sit 5. Nonas, Arcopagitā esse.

15. Proponatur martyrologium Rotomagi excusum anno 1507. & ad exemplaria Lugduni, Papiæ, & Parisiis aliàs edita recensitum. Calend. Octobr. Tornaco passio S. Piatonis Presbyteri, qui cum B. Dionysio Episcopo, eiusque sociis ab vrbe Roma Galliam præcationis gratia expetiit, &c. vt supra. 5. Non. Octob. Natale B. Dionysii Episcopi & martyris, qui post clarissimā confessionē fidei, &c. vt supra. 7. Idus Octob. Natale sanctorum martyrum Dionysii Episcopi, Rustici Presbyteri, & Eleutherij Diaconi: Qui B. Episcopus à B. Clemente Papa in Gallias prædicandi gratia directus præfatam urbem deuenit, &c. vt supra.

Huius recensiti Martyrologii auctorem decepit Muneratus, & iisdem rationibus deceptio configitur, & propagatæ traditionis veritas constabatur. Indignum quippe facinus est, antiquis scriptoribus falsas assignere sententias, quod sine crassæ ignorantix culpa, aut fraudis suspicione fieri nec solet, nec potest.

56. 16. Huc aduolet Ordinarium Ecclesiæ Narbonensis, quod Tolosæ typis mandatum est anno 1545. In illius Calendario hæc legant Arcopagitici. 5. Non. Octobr. *Dionysij Arcopagita Episcopi, & martyris 3. lect.* 7. Idus Octobr. *Dionysij, Rustici, & Eleutherij martyrum 9. lect.*

57. 17. Sistat se in iudicio Manuale Ecclesiæ Venetensis in Armorica, quod Veneti anno 1596. excusum est, & utrum illius Calendarium à Narbonensi reipsa dissideat, expendatur? 5. Non. Octobr. *Dionysii Episcopi & martyris commem.* 7. Idus Octobr. *Dionysii sociorumque eius martyrum sem.*

Verumenimvero quid varias Galliarum
58. Ecclesias percurrimus, cum & sancti Dionysii monasterium, & Parisiensis Ecclesia in suis Martyrologiis hoc ipsum cumulatissimè testantur, quod ab aliis assertum, & omnibus retrò sæculis retentum volumus?

Sed quoniam quod ab aduersariis veritatis pro veritate argumentum sumitur, firmissimum haberi solet, expendamus iterum verba martyrologii, quo monasterium S. Dionysii Philippo Pulchro Rege utebatur: prima die Octobr. Ciuitate Tornaco sancti Piatii, vel Piatonis Presbyteri, qui cum B. Dionysio Episcopo, eiusque sociis ab Vrbe Roma Galliam prædicationis causa expetijt, ac postea consummato martyrio migravit ad Dominum. Tertia die Octobr. Natalis B. Dionysii Episcopi, & martyris, qui post clarissimam confessionem fidei, post grauissima tormentorum genera glorioso martyrio coronatus est, vt testatur Aristides, vir fide sapientiaque mirabilis in eo opere, quod de Christiana religione composuit. Nona die Octobris. Apud Parisium natalis sanctorum martyrum Dionysii, &c. Qui B. Episcopus à Pontifice Romano in Galliam prædicandi gratia directus, præfatam Urbem deuenit, &c. vsupra. Tuos hîc tantum oculos quaero. Hæc ergo est prisca maiorum nostrorum de duobus Dionysis traditio, quæ à prima sui origine per canales quamlibet impuros, ad posteriora tamen sæcula deducta est. Aliunde nobis non erant argumenta quaerenda, nec arma sumenda, quibus Arcopagiticorum insidias, & præ-

stigas vinceremus. Est proculdubio quædam veritas tam perspicua, vt eam nullæ personarum locorum-ue præstigiæ possint obruere. Hic vt de ceteris non loquar, ad initam Dionysii Episcopi cum Piatone societatem, quis non videt, volaticas illas interpretationes, quibus vnus & eiusdem sancti Dionysii festiuitatem diuersis diebus agi volunt, infelicitè perire?

59. Quod autem spectat ad Ecclesiam Paris. duo illius Martyrologia vidimus, vnū satis vetus, alterum recens anno 1448. descriptum, quod singulis diebus publicè recitatur. Ex primo hæc excerpimus. Calend. Octobr. Ciuitate Tornaco passio S. Piatonis Presbyteri, qui cum B. Dionysio Episcopo, eiusque sociis ab Vrbe Roma Galliam prædicationis gratia expetiit, ac postea consummato martyrio migravit ad Dominum. 5. Non. Octobr. Natalis B. Dionysi Episcopi & martyris, qui post clarissimam confessionem fidei, post grauissima tormentorum genera glorioso martyrio coronatus est, vt testatur Aristides Atheniensis vir fide sapientiaque mirabilis in eo opere, quod de Christiana religione composuit. 7. Idus Octobr. Apud Parisium natalis sanctorum martyrum Dionysii Episcopi, Rustici Presbyteri, & Eleutherij Diaconi: Qui B. Episcopus

à Pontifice Romano in Gallias prædicandi gratia directus præfatam urbem deuenit, ubi per aliquot annos commissum sibi opus fideliter prosequens, tandem à præfecto Fescennino una cum sociis gladio animaduersus martyrium compleuit. Hæc eadem quoque verba ex secundo martyrologio ante delibauimus, quàm illi vis vlla inferretur. Fuit igitur, qui ante annos non multos clam Ecclesia Parisiensi, cum hanc Dionysiorum distinctionem molestè foret, ex 7. Idus Octobr. hæc verba deleuit: *Apud Parisiū natalis sanctorū martyrum Dionysii Episcopi: & hæc alia in illorū locū substituit, sed in inferiori margine descripta: Lutetiae Parisiorum natalis sanctorum martyrum Dionysii Arcopagite, tum lectorem notulā quadā monuit, vt reliquum ad contextum rediret. Sed quoniam vir incallidus non expunxit, quæ Calend. Octobr. de Dionysio Episcopo S. Piatonis comite, & quæ 5. Non. de Arcopagita dicuntur, inde à va. ægoniōq. martyrologiū corripit, hinc Arcopagite geminam mortem publica martyrologii recitatione affinxit. Proferat nunc Hilduinus, proferant Hilduini defensores aut Sandionysiacum, aut Parisiense martyrologium aliquod vetustius, & eos tum demum audiemus. Vel semel tam li;*

beraliter nobiscū agant Areopagitici , & in vnam breui eandemque sententiam descēdemus. Sincerè querimus veritatem, nec vllam adinueniendæ veritatis viam auersamur. *Melior est nobis cum B. Augustino Vera stipula, quàm lux inani cogitatione pro suspicantis voluntate formata.* Nos interim animo fingamus in terras redire Hilduinum, & ab eo sciscitemur, quid tandem perlustratis Gallicanarum Ecclesiarum, & maximè Parisiensium, atque adeo Monasterii sui martyrologiis, & Calendariis, quid inquam, dicturus sit aliud post octingentos annos præter illud ipsū, quod olim ante alios octingentos pronuntiavit? *Notitia beatissimi Dionysii (Areopagitæ sui) modica apud Latinos seruabatur obiecta.* Hic igitur post editas tot Ecclesiarum, & maximè Paris. origines, post assertam de duobus Dionysiis per suas leges traditionem Hilduinus cū suis quid responsurus sit nescio. Nullum responsum præter vnum honestè dabit, quod fortassis nunquam dabit.

60 QVOD AVTEM spectat ad secundū obseruationis caput, quo dictum est, omnē ab Hilduino superioribus verbis ademptam esse licentiam adferendi, quæcunque ex corruptis quorundam Martyrum histo-

riis adferunt Hilduini sectatores, apparet
 eos id facere non posse, nisi Monachi se suo
 Abbate superiores ostendent, & Discipuli
 supra Magistrum sese arroganter attollant:
 Atque ad extremum utrique minus castè
 in hac causa, minusque integrè quàm Hil-
 duinus versari velle credantur. Quid verò
 memorem eas omnes Martyrum historias,
 quibus octingentis abhinc annis vis illata
 est ab Arcopagiticis, quid, inquam, me-
 morem, cum multa supersint adhuc non si-
 ne diuino consilio harum historiarum
 exemplaria, quæ corruptrices manus effu-
 gerunt. Ex quo fit, vt exempli gratia, quæ-
 dā SS. Luciani, Reguli, & Eugenii gesta eos-
 dē martyres ad Domitianū reuocent, quæ-
 dam alia ad Diocletiani & Maximiani Im-
 perium vt antiquiorem ac proinde veram
 epocham deducant. Quam gestorum dis-
 sonantiam, ne periret aliquando, Gallica-
 num Martyrologium posteritati consecra-
 uit. De Eugenio iam istud obseruauimus,
 num. 22. De Luciano & Regulo nunc ob-
 seruemus: ad 8. Ianuarii: *Lucianus Diony-
 sio Pauli Discipulo iungitur, & sub Clemente
 venit in Galliam.* Ad 30. Martii: *Regulus
 Ioannis Euangelista Discipulus. in Galliam cum
 Dionysio Arcopagita venit.* En Lucianus &

Regulus ad Domitianum reuocati, nunc demittuntur ad Diocletianum & Maximianum. ad 25. Octobr. Crispinus & Crispinianus cum beatis Quintino Luciano, Rufino, Valerio, Eugenio, Sueffionem venerunt tempestate Diocletiani & Maximiani. Ad 14. Iunii. Rufinus & Valerius vna cum Crispino, & Crispiniano, Quintino & Luciano, aliisque sex æque ingenuis commilitonibus Roma in Gallias profecti. At vnus ex aliis sex. numeratur Regulus, vt notatum est num. 10. & 22.

61. Porro non melioris sunt notæ alia quatuor, quæ in medium proponunt, Martyrologium Hieronymi, seu potius Eusebii, quod est in Abbatia Corbeiensis: Gesta Dagoberti Regis à coætaneo scripta: Monasterium Græcorum Romæ ab Stephano Papa conditum in honorem Arcopagita, & Vita S. Genouefæ, quæ est in Cod. M. S. sancti Victoris. Singula expendamus licet quæ expendantur, indignissima sint, vt constabit.

62. Martyrologium illud Hieronymi, seu potius, vt aiunt, Eusebii, quid habet, quod testatissimæ nostræ traditioni aduersetur? Vnicum fortassis ad 7. Idus Octobr. Dionysium? quid inde? erit-ne idcirco Arcopagita

pagita? Ita est, inquiunt, quia Arcopagita
 5. Non. Octobr. non comparet, verum id
 quidē, sed sexcentis aliis in martyrologiis
 comparet. Deinde nusquam opinor fuisset
 Dionysius Parisiensis, si ad 7. Idus Octobr.
 in hocce martyrologio non extaret? Deni-
 que martyrologium illud, quod religiosi
 iuxta & eruditi viri beneficio legimus, quia
 Hieronymum, Augustinum, Gregorium
 primum, Leodegarium, Dedicationem
 Corbeiensis Ecclesiæ continet, an sit Euse-
 bii vel Hieronymi, ut maximè volunt,
 nobis adhuc valde inexploratum est. Ad
 hæc quī fieri potuit, ut in hoc martyrolo-
 gio Eusebius vel Hieronymus 5. Non. Maij
 notet *Inventionem sanctæ crucis Domini no-*
stri Iesu Christi ab Helena regina, post passio-
nem Domini anno 233. regnante Constantino
Imperatore?

Gesta Dagoberti Dionysium à Clemen-
 te missum, non Arcopagitam, nisi ex solita
 Hilduinianæ dialecticæ regula produnt. Il-
 la verò ab æquali, scripta negamus ex cap.
 43. Idcirco, inquit auctor, ad obitum ipsius
 (Dagoberti) describendum vertens articulum,
 quod in ipsa infirmitate positus gesserit, & vnum
 quod in quadam vetustissima charta reperi, quā,
 ut ferebatur, B. Audoenus Episcopus scripse-
 63

rat, breuiter narrabo miraculum. At certè charta illa nulli vetustissima esse potuit, nisi qui diu multùmque post Dagobertũ vixerit. Hæc gesta ex tabulario sancti Dionysii profecta, cum non viderit Hilduinus, Hilduino posteriora esse non abs re coniciies. Mitto fabulas, quibus illa Dagoberti gesta fœdissimè interseruntur.

64 Ad monasterium Græcorum Romę ab Stephano conditum accedimus, cuius narratio vltima pars est illius Relationis, quæ factam Stephano Papæ reuelationem, & Altaris in monasterio S. Dionysii consecrationem, in honorẽ SS. Petri, Pauli, & Dionysii continet. Sed tota illa Relatio suspecta videri posset, 1. quia Anastasius Bibliothecarius in vita Stephani cum refert, quomodo ægrotauerit in monasterio Stephanus, & qua ratione conualuerit ex insperato, de tota hac reuelatione, de consecratione altaris, de reliquiis S. Dionysii in Urbem delatis, nihil omnino dicit, cum tamen dicendi sese obtulerit occasio, & nihil aliunde foret in vita Stephani memorabilius. 2. Hilduinus, qui vnde quaque dubia & falsa inseruit Arcopagiticis, cur rem tanti momenti, quæ supra ceteros monachis S. Dionysii nota esse debuit, præter-

misisset? 3. cum hæc relatio ad Hilduini
 causam spectet, nec ex alio loco, quàm ex
 archiuis monasterii primùm prodierit, in
 eodem, sicut & multa alia, consistam esse
 nō inuerisimile est Sed vera sit Relatio hac
 in parte: De monasterio, quod Romæ con-
 structū volunt ad sanctos Martyres in schola
 Græcorum appellatum, sic se res habet ex
 Anastasio in vita Pauli, & Nicolai primi.
 Paulus in sua propria domo Monasterium
 à fundamentis edificauit ad honorem duo-
 rum Sanctorum, quorum vnus est Stepha-
 nus Papa & Martyr, alter Siluester Papa &
 Confessor: Intra claustra monasteriū Ec-
 clesiam affabrè factam excitauit, vbi mo-
 nachorum congregationem constituit, qui
 ad Græcam modulationem psalmodiæ va-
 carent. An autem monachi natione Græci,
 vel Latini forent, nihil à Paulo decernitur.
 Hoc porro monasteriū ita finitimum erat
 Basilicæ S. Dionysii Confessoris, vt ex illo
 per gradus ad istam ascenderetur. Quia ve-
 rò in Ecclesiasticis Officiis, seu cœtus ca-
 nentium, seu locus, vbi canitur, schola
 cantorum appellatur, hîc in Ecclesia intra
 hocce monasterium conditâ, schola can-
 torum, qui Græco modulamine canerent,
 breuitatis ergo schola Græcorum nuncupâ-

ta est. Ex his igitur, quæ vera esse docet historia temporis, simul confusis, & ex ali- quibus aliis fraudulenter additis, conflatum est totum illud, quod modò ab Arcopagiticis tam magnificè iactatur. De suo imprimis addiderunt inchoatum ab Stephano monasterium, quod ex Anastasio Paulus Stephani successor à fundamentis erexit, nempe ut Stephani in Galliam profectio, & recuperata apud Sandionysiacum monasterium valetudini, additum vero falsum quadraret. Deinde Dionysium, cuius Basilica monasterio vicina erat, ex Confessore martyrem fecerunt, eumq; Arcopagitam, qui à Clemente in Gallias missus est. Tum hunc ita comparatum Dionysium arrepta vicinæ occasione monasterio addixerunt, ut in eo cum duo sancti Martyres forent, Monasterium ad sanctos martyres appellarent in schola Græcorum. Deinde sub hac generali sanctorum martyrum nomenclatione, & ex scholâ Græcorum perperam acceptâ, Romæ exædificatum in honorem Dionysii Arcopagite, Rustici, & Eleutherii monasterium asseruerunt. Quod tanquam verum non operosè persuasum est iis, qui Hilduino & Hincmaro faciles aures accommodarunt.

Ad extremum Hilduini sectatores non 65.
 difficilius potuerunt Romani huius mona-
 sterii, quàm Ecclesiæ *sancti Stephani de Gressibus* titulum, & primigeniam appellatio-
 nem Lutetiæ immutare. Quæ enim Ec-
 clesiæ à prima sui origine in omnibus Eccle-
 siæ Parisiensis monumentis *S. Stephani de*
Gressibus, appellata est, non ante multos
 annos *de Græcis* appellarunt. Huic autem
 primæque nomēclationi fidē facit charta Si-
 monis de Bucciaco Parisiensis Episcopi
 scripta anno 1290. vbi Ecclesiam *S. Stepha-*
ni de Gressibus legere licet. 2. Alia charta
 anno 1331. data, vbi prærogatiuæ Capicerii
S. Stephani continentur, ibique laudatur
 Iacobus quidam Capicerius *S. Stephani de*
Gressibus. Hoc recentiorum Arcopagiti-
 corum alter vidit, & deditâ operâ præter-
 misit, dum chartam hanc ferè totam ex-
 scriberet, & veterē traditionem pluribus
 paginis inobscuraret: Heu prisca fides! 3.
 Charta Exceptionum quas Monachi *S.*
Dionysii aduersus Parisiensium Canonico-
 rum rationes dederunt ea in lite, quæ tem-
 pore Gersonis super aliquam Dionysiani
 capitis partem inter eosdem Monachos &
 & Canonicos mota est: Item Decanus & Ca-
 pitulum produciunt clausulam ex libro *Chroni-*

corum haustam, in qua sic habetur: tunc inuenta sunt Parisius in Ecclesia S. Stephani de Gressibus reliquiae, &c. 4. Vbicumque in Commentariis Parisiensis Ecclesiae occurrit collatio Præbendarum huius Ecclesiae, in iis semper nominatur Ecclesia S. Stephani de Gressibus. Infinitum esset loca Commentariorum singula recensere. Ex Arcopagiticorum parte res sic se habet: Ex Gallico nomine, quod huic orationi, de Gressibus, respondet, ante oculos obambulante Arcopagiticæ missionis idolo, nouum nomen Latinum formarunt, vt & sibi in suis ablandirentur opinionibus, & imperitæ plebeculæ fucum facerent, atque adeo Hilduinianæ causæ patrocinentur. Verum ista per me liceat iis Arcopagiticis, quorum delicatæ mentes hoc ciborum genere pascuntur.

- 66 Quod autem pertinet ad historiam S. Genouefæ, quam ex Codice Victorino vetustissimam iactant, anno quippe 18. post illius obitum scriptam, in eâ Arcopagiticorum nostrorum fidem & acumen appello, fidem iterum, atque iterum fidem, & acumen appello. Qua enim paginâ S. Genouefæ synchronismum auctor affectat, quem de suo Genesium sincerissimè nominant, eadem & se impostorem tradit Philippo Augusto po-

steriorem. *Humata est*, inquit, *in Basilica in monte sita iuxta noua mœnia Parisii.* Hic siue nouæ Parisii mœnia, siue noua mœnia Parisii legas, perinde est. At Philippus Augustus noua ista mœnia primus ædificari iussit, vt Rigordus & ipse Monachus S. Dionysii scribit in vita huius regis ad annum 1211. *Anno eodem*, inquit, *Philippus Rex magnanimus totum in circuitu sepsit à parte Australi vsque ad Sequanam fluium, ex Vtraque parte maximam terræ amplitudinem intra murorum ambitum concludens, & possessores agrorum & Vinearum compellens, vt terras illas & Vineas ad ædificandum in eis nouas domos locarent, vel ipsimet nouas ibidem domos habitatoribus constituerent, vt tota ciuitas vsque ad muros plena domibus redderetur.* 2. sub initium historię: *Licet certum diem natiuitatis illius (Genouefæ) Ignoremus, tamen conieimus ex historijs veterum: At quę amabo vos, veterum historię poterant homini inseruire, qui B. Genouefæ coætaneus erat.* 3. Circa medium: *In Namnetodorenſi pago benedictione populo data (à S. Germano) & manus celebrata missione, quę solis Episcopis competit, de qua Cyprianus & Cornelius Apostolicus altercati primū, deinde sibi consentientes emicit Cyprianus (vt) secundū auctoritatē*

Euangelicam manus missio celebraretur. Et post alia: obfessionē Parisius per bis quinos, ut aiunt, annos à Francis perpeffa est. Videsis quodnam genus ineptiarum & imposturarum nugiuēdus iste nobis exponit, quem tamen synchronum auctorem, eumque ficto nomine Genesium appellant? Porro his nugamentis, quæ obiiiciunt Arcopagitici, & quæ retulimus, caret vita S. Genouefcæ quam Ioannes Textor anno 1521. edidit è Nauarra sua Paris. ad calcem Iacobi Bergomensis de Claris Mulieribus. Nonne congruentius esset, & honorificentius hæc omnia ab Arcopagiticis prius expendi, quā coniici in Commentarios suos, vnde postea magno cum auctorū dedecore explodātur? Nonne desperata illa causa est, quæ vt defendatur, falsariorum artibus indiget? Præterea qui testimonium ex hac S. Genouefcæ historia, tam impotenter, vt videmus, proferunt, vel illam integram legerunt, vel non legerunt, si primum in se recipiant, quo animi candore, prout Christianum tractatorem decet, agere cum cordatis hominibus, & rem seriam tractare se credunt, & credi volunt? si secundum admittant, qua fide, qui recentissimus est, vetustissimum, qui inquinatissimus, incorruptum
Codicem

Codicem , & auctorem beatę Genouefę
 coxtaneum appellant ? quafi verò ex cor-
 ruptâ historiâ , germana & vera addensa-
 tis per plures paginas verborum struicibus,
 & sublati ad cœlũ clamoribus effici possit?

Obiiciunt & adhuc incerta quædam Eu- 67
 tropii martyris gesta : sed eorum discussio-
 nem , quæ vix modesta esse quiuisset , lu-
 bentissimè prætereo Arcopagiticorum fa-
 mæ consulturus. Nam qui se omnium lu-
 dibrio tradere vellet , hoc non assequere-
 tur felicius , quàm si cordatis hominibus
 persuadere contenderet , Eutropium ge-
 nere Persam à B. Petro in Gallias missum ,
 deinde nullius voti compotem factum re-
 diisse Romam , tum inde anno Christi
 99. cum Dionysio Arcopagita in Gallias
 reuersum , deinde anno 103. passum , &
 acta Passionis à S. Dionysio græcè scripta ,
 & ad Clementem , qui iam anno superiori
 obierat , directâ , & ab eodem Clemente
 deinceps in Græciam transmissa , tum de-
 nique Constantinopoli longo post tempo-
 re inuenta à Guidone Viennensi Episco-
 po , & in Latinum traducta. In his & pari-
 bus testimoniis , quæ contra Canonem
 Africanum , & Capitulare Caroli Magni
 congerunt , famam & operam cur Arco-

pagitici vindices profundunt? Ad hæc sanè tam misabilia perfugia qui descenderint, , licet in ore vulgi, & assecclarum suorum volitent, , prostrati tamen, despecti ab eruditis hominibus, à seipsis, ni fallor, desperati & relictì sunt. Verum Arcopagiticorum quidam, vt aliis tenebras offundant, pleraque ex his testimonia in quarundam Ecclesiarum Breuariis legi clauitât, atque in clamoris sui defensionem Ecclesias illas velint nolint oppignerare conantur. At frustra, cum ex his non semper pro historicæ rei veritate argumentum efficax duci posse docuimus ex ipsarum Ecclesiarum praxi, quæ sua Breuaria identidem corrigunt. Deinde has tenebras dispellit illustre sidus Scholæ Parisiensis Gerso noster in Declaratione veritatum, quæ credendæ sunt: *Respicit autem, inquit, iste gradus legendas & miracula sanctorum, vitas patrum, visiones deuotarum personarum, recitationes & opiniones sacrorum Doctorum. Quæ omnia suscipit Ecclesia, & legi permittit, non quod determi- net talia de necessitate salutis esse credenda, sed quia proficiunt ad comouendos affectus pios fidelium, & in adificationibus ipsorum, dum in talibus nihil de certitudine scitur esse falsum, quâuis etiam nesciatur illud certitudinaliter esse*

Verū, quod oportet, nec ut tale credendū propo-
 nitur: ita quod magis hīc attenditur id, quod pia
 recogitatione fieri potuit, quā illud, quod fa-
 ctum est, &c. Hæc cum ita sint, pessimè
 omnino de Ecclesia merentur, qui quod
 nonnullorum de Ecclesia hominum est,
 immaculatę Ecclesię tribuunt, ut se im-
 maculatos præstent, ut quæcunque dicunt,
 ex oraculo dici putentur, & ut quæcunque
 scribunt, certiora esse affirmant, quā ea,
 quæ apud Sagram acciderunt. Atque ut in
 vno pro multis nunc exemplum statuatur,
 quis Parisiensi Ecclesię, & Academię in-
 super Parisiensi, quæ singulare Ecclesię Pa-
 risiensis ornamentum est, tribueret, quod
 in illius Breuiario anno 1636. edito legi-
 mus de Regulo Siluanectensi? Ad 23. quip-
 pe, canunt Regulum Ioannis Euangelistę
 Discipulum, à Clemente cum Areopagita
 missum, & ad 10. Decembris recinunt
 eundem sub Diocletiano in Galliam acces-
 sisse. Quis quæso, ut vnus, aut alterius ho-
 minis tueretur ἀβελήαι, in huius rei præsi-
 dium Ecclesiam, & Academiam Parisien-
 sem oppigneraret?

Aprilis

Denique ab Areopagiticis laudantur
 permulti scriptores, qui rem ab Hilduino
 traditam potius receperint, quā cum

68.

aliud fortè agerent , ex certis inueniendi
 ueri regulis sedulò examinarint. At in his,
 inquit Baronius ad ann. 36. *quæ rerum ge-
 starum veritatem spectant , quàm frequenter
 accidit fallieriam prudentissimos non in antiquis
 tantummodò, sed & in his, quæ facta esse dicun-
 tur in eodem loco : quo ipsi sunt , & quo viuunt
 tempore: ob idque nihil est, vt quantauis sancti-
 te, siue sanctitatis, siue doctrinæ cuiuslibet præ-
 rogatiua viri, quod non factum vnquam, quod
 factum est, asserentis, ipsi veritati possit præ-
 iudicium inferre. Cum in his , quæ sunt facti ,
 non dogmatis potuerit quisque sanctissimus, at-
 que doctissimus fidei orthodoxæ professor, atque
 defensor aliquando falli. Nec enim eminentia
 alicuius viri efficere potest, vt quod mendacium
 est, veritas sit, & quod perinde, ac verum ab eo
 falsum assertum est, recipiatur ab omnibus. Sed
 & accidere solet interdum , vt aliquid vulgo
 allatum si, quis certos velit examinare testes,
 an verum, sit neminem id seriò testantem inue-
 niat, fiatque , vt quod ab omnibus dici iactatur,
 asseratur à nemine, rumorque ille euanescat in
 auras. Ita proculdubio fiet de auctoribus,
 qui ab vtroque Arcopagitico recentiore
 laudantur. Si quis enim eos omnes exami-
 nare velit quæsiturus , vnde ortum habet,
 quod dictum est ab iis omnibus, id ab vnico*

Hilduino, id est, à nemine ortum habere comperiet.

At saltem, inquis, ex horum auctorum 69.
numero eximenda est Florentina synodus, ubi pro asserenda Spiritus sancti processione laudatur à Metaphraste scripta B. Dionysii vita. Quid tum? Ideone à Patribus disputatum, an idem Dionysius Parisiensis Episcopus atque Arcopagita? quasi verò eam ob citationem Concilium probasset, quicquid in ea vita scripsit Metaphrastes? Crede igitur inter cætera ex auctoritate Concilii Lutetiam mari adiacere, cum istud non minus probetur à Concilio, quàm quod Dionysius Parisiensis fuerit Arcopagita. Ego verò hæc & similia Concilio tam leuiter tribuere religioni penitus haberem.

Ceterū quæ in hoc de Arcopagiticis Hil- 70.
duini iudicio examinauimus, ad duo generalia capita reuocata sunt, in vno, cui duplicem partem fecimus, falsi dicam scripsimus Hilduino, atque illum in auctoribus cum iis, quos laudat, & qui legi possunt, tum in aliis proinde, quos laudat, & qui legi non possunt, hominem esse profligatæ fidei conuicimus. In altero, quod in capita nouem, seu Hilduinianæ dissertationis

specimina distribuimus, Abbatem nostrum multiplicis falsitatis, inconsequentiae, inconsiderantiae, & nouitatis reum peregrimus. In primo productis veteribus Martyrologiis, quibus Ecclesia Parisiensis hodièque vtitur, & Monasterium S. Dionysii ante annos trecentos utebatur, Hilduini, qui vetustissimas Monasterii sui, & Parisiensis Ecclesiae chartas laudabat, imposturam, vel certè Hilduini successorum ab eodem defectionem in omnium oculis defiximus. In secundo & alibi passim aperuimus Hilduini, & Discipulorum inconsequentiam, qua simulatque nescio quibus in chartis missum à Clemente Dionysium nanciscuntur, cum Arcopagitam esse subtiles Dialectici colligunt. Perinde quasi nullus potuisset à Petro, vel Clemente mitti Dionysius præter Arcopagitam. In tertio Hilduinum in citandis Innocètio Gelasio, & Gregorio Pontificibus malè fuisse fidei ostendimus, & perpetuum insuper in Ecclesia Romana de utroque Dionysio discrimen agnitum probauimus vsque annum 1550. à quo deinceps tempore Parisiensis, & Arcopagita in vnum confusi sunt, non Ecclesiae quidem Romanae iudicio, quod absit, sed à quibusdam de Ecclesia

Romana hominibus, quæ nos incōmodè
 occurrisset effatū illud Sixti Papæ in alia li-
 cet materia dictū, & in Concilio Ephesino
 receptū: *Nihil ultra liceat novitati, quia nihil
 adijci convenit vetustati.* In quarto duos Eu-
 genios, qui opera Monachorum S. Dionysii
 in vnum coaluerant, ex certis monumentis
 distinximus, vnum Presbyterum Parisien-
 sem & martyrem, alterum Episcopum To-
 letanum & Confessorem; res unicuique
 suas reddidimus, ac tum in Eugenia
 Monasterii S. Dionysii historia verum à
 falso excreuimus, quibus eā, & quo tēpore
 acceptam fecerint, sincerè exposuimus. In
 quinto Hilduinum sua ipsiusmet contradi-
 ctione inuoluimus, & productum ab eo
 Constantinopolitanum Martyrologium in
 caput eiusdem, & exitium percussimus.
 In sexto alios in citandis auctōribus accusa-
 re falsi non potuit Hilduinus, qui huius
 ipsiusmet criministories conuictus est. In
 septimo Hilduinus in allegatione Fortuna-
 ti fucum fecit, & passus est, nec Monasterii
 sui tabularium dignum esse, cui crederetur,
 ostendit. In octauo ex quatuor Dionysii
 vitæ, quam scripsit Hilduinus, fragmentis,
 omnem eidem abiudicauimus auctōrita-
 tem, & fidem. In epigraphæ vitæ Diony-

fiani prænominis, & agnominis insulfitatem, & inauditum primis Ecclesiæ sæculis *Archiepiscopi* titulum vidimus. In adlocutione Clementis otiosum sermonem deprehendimus. In Lutetia Castellum & oppidulū ad amplissimæ ciuitatis, & Emporii imaginem deformatum conspeximus, & eidem præterea sub Domitiano tributum, quod Carolo Magno & Ludouico Imperatoribus possideret. In Casula Rustici, & Dalmatica Eleutherii ignoratam ab Hilduino Ecclesiasticam harum vestiū institutionem, & vsum redarguimus. In nono detraximus siparium, quod cuiuslibet nouæ opinionis auctores sibi, suisq; scriptis sēper obtenderunt, quo etiam illud nescio quid, quodcūque proferunt, neque primi neq; soli dixisse videantur. Etenim cum ex Hilduino *modica Dionysii seruaretur obiecta cognitio*, hinc latissimam accusandæ nouitatis viam aperuit, inde ad ea vindicanda, quæ post Hilduinum conficta recentiores Arcopagitici nunc referunt, aditum interclusit. In primo discrimen ante Hilduinum inter vtrumque Dionysium in Ecclesiæ Romanæ, Anglicanæ, Gallicanæ, & præsertim Parisiensis traditione tam planum fecimus, quàm quod planissimum. Vsuar-

dum

dū & nobis & suo monasterio Paris. contra
 alios asseruimus, in quo reprehensū aliud
 nihil est, nisi quod laudari debuit, deriuata
 nempe in Martyrologij Codicem maio-
 rum, quos citauimus, traditio & fides. Gre-
 gorium Turonensem ab inconsequentibus
 effugiis defendimus : Vbi & quam ex eo
 sperauerant Arcopagitici victoriam, Cad-
 mea longè deteriore senferunt. Deinde
 post Hilduinum nouam illius opinionem,
 nihil in Ecclesia Romana, si huc reuocetur,
 quod dictum est num. 13. obtinuisse
 vidimus vsque ad annum 1550. Vbi & quid
 Hincmarus per Græcam testificationem,
 Romanæ sedis attestationem, & Gallica-
 nam contestationem sibi voluerit, aut vel-
 le debuerit, epochis omni Termino immo-
 bilioribus circumscriptum est, tum denique
 perseuerantem in Ecclesiis Gallicanis, &
 maximè Parisiensibus, & Monasterio S.
 Dionysii traditionem oculis ipsis supposui-
 mus. In secundo propter Hilduinum dis-
 punximus *ὁ μαθίας* Sæctatorum Hilduini, &
 tamen mantissæ loco Martyrologiū Euse-
 bii seu Hieronymi, Gesta Dagoberti Regis,
 Romanū Græcorū Monasteriū, Vitā S. Ge-
 nouefæ, id est, quicquid ostendant speciosius,
 retulimus reuoluimus repulim⁹. Ex quo col-

ligi nō difficile potest, ut quæ vera traditio est, & certis explorandæ veræ traditionis legibus asserta, vera traditio semper habeatur; Quæ autem falsa, & certis explorandæ falsæ traditionis legibus asserta, falsa quoque traditio semper æstimetur. At qui sciens volensque aliter de traditionibus differit, non amat Dei Ecclesiam, cuius *verax semper est*, ut ait Facundus lib. 5. cap. 1. *pro veritate defensio, nec vnquam fuit indiga falsitatis. Vno verbo seipsum vanissimè quærit, non veritatem.*

74. Quæ cum ita sint, nostrum de Arcopagiticis Hilduini Iudicium capita duo concludunt. In vno primis abhinc sæculis vsque Carolum Magnum constantissima de duobus Dionysiis traditio seruata est, & Hilduinianæ opinionis post octingentos annos defixa nouitas, quæ nunquam inde refigetur, nisi subdititiis, & fictis in Monasterio S. Dionysii chartis & versibus veritas accommodetur. In altero cassus & inanis euictus est labor Hilduini, & Sæctatorum eius; Hilduini quidem, cum post ipsum Ecclesia Romana, Gallicana, & maxime Parisiensis veterem in suis Martyrologiis, & alibi traditionem retinuerint; Sæctatorum verò, cum in citandis nescio quibus

fabulosis otiosorum hominum historiis operam, & sinceritatem perdidere.

Cur autem hoc iudicium non ad omnium, sed ad paucorum, qui & privati amici sunt & docti viri, conscientiam peruenire volui, fecit primum ipsa rei ipsius veritas, quæ quo illustrior, eo grauius odium parit, odium verò & immaniolem Argiuâ calumniam accersit, & argumenta non ad inquirendam, vt par est, veritatem, sed ad concitandam apud incautos & populares inuidiam depromit. Deinde fecit & B. Augustinus Epistola 119. ad Ianuarium scribens, qui cap. 19. *Propter nonnullarum vel sanctarum, vel turbulentarum personarum scandala deuitanda liberius improbare non audebat, quæ non poterat approbare.* 72

Vide tu nunc ac circûspice, an rei Christianæ seruiât, qui vindicatæ traditioni resistunt, qui duos Dionysios, duosque Eugenios in vnum confundunt, qui quod vnius est, alteri tribuunt, qui quod neutrius est, conflato ex utroque vni asserunt, qui Africano Canoni, & Carolino Capitulari non obtemperantes Somnia, & Incertas Sanctorum Memorias in auctoritatem admittunt: Vide inquam, ac circûspice, an illi gratum aliquid Deo & sanctissimo Martyri faciant? 73

Magnū vitum audi precor super hac re Da-
 mianū qui nostrā dissertationē sua, qua non
 semel vtitur, in vitam S. Mauri præfatione
 concludet. Cupientes, inquit, aliquid scribere
 ad gloriam Dei nostri de B. Mauro Pontifice sic
 auditorum desiderio satisfacere cupimus, ut
 iuxta digestæ relationis modum veritati per om-
 nia consulamus. Contemnendus quippe pincerna
 est, qui dum vini copiam iactat, facem quoque
 puniendæ temeritate propinat. Improbus oppipa-
 tor est, qui tanta ambitione alijs conuiuī præpa-
 rat, ut in semetipsum æstuantis famis incendium
 seuire permittat. Temerarius nihilominus nar-
 rator est, qui dum laudum præconiis alios extol-
 lere nititur, ipse mergi in falsitatis barathrū non
 veretur. Nonnulli enim se Deo deferre existi-
 mant, si ad deferenda laudis eius insignia, fal-
 sitatis argumenta componant, qui nimirum si
 egregij Prædicatoris verba diligēter attenderent,
 talia non sentirent. Ait enim Corinthiis: Si
 Christus nō resurrexit, inanis ergo est præ-
 dicatio nostra, vana est fides vestra. Inueni-
 mur autē & falsi testes Dei, quoniā testimo-
 niū diximus aduersus Deū, quod suscitauerit
 Christū quē non suscitauit. Secundū hæc ergo
 Apostolica verba falsus testis Dei meritò dicitur,
 qui indiscretè eum cupiens laudare mentitur, &
 aduersus Deum proculdubio perhibet testimoniū.

quisquis in eius laude peruersa, molitur arte commentum, & post pauca. Hinc est, quod per Hieremiam de mendacibus dicitur: Docuerunt linguas suas loqui mendacium, ut iniquè agerent, laborauerunt. Qui enim simplicem Veritatem Vltrò oblatam proferre facile poterant, satagunt, ut mendacia cum labore confingant, & post alia. Hic autem Vbi de B. Viri virtutibus pauca, quæ scribi debeant, præsto sunt, Vtilius arbitramur ad adificationem audiētium, ad quam omnis Ecclesiastica intendit scriptura, in præmio contra mendacium scribere, quàm pro narrationis inopia ipsam historiam mendaciorum finibus protelare.

FINIS.

S. Paulus 2. ad Thessalonicenses 2.

Tenete traditiones, quas didicistis, siue per sermonem, siue per epistolam nostram.

S. Hieronymus in Præfat. lib. 5. in Hierem.

Veritas claudi & ligari potest, vinci non potest, quæ & suorum paucitate contenta est, & multitudine hostium non terretur.





